

Maining, Envairomen Ekt mas senis

Stanley Nondol i raitim

KONSTITUSENAL na Loa Rifom Komisn (CLRC) i wok hat long gavman bai kamapim bikpela senis long Maining na Envairomen Ekt long banisim ol pipel na envairomen long ol bagarap we pipia bilong wok maining i save kamapim.

Sampela maining kampani i no

gat teiling dem na salim pipia bilong main i go stret long ol riva na bagarapim ol ples na laip bilong ol pipel. Na gavman i makim CLRC long kamapim ripot long dispela.

CLRC i tokaut long draf ripot bilong em long Pot Mosbi bihain long em i holim ol bung long kisim tingting long planti ol distrik na maining insait long kantri olsem

bikpela senis i mas kamap long envairomen na maining ekt long gutpela bilong ol pipel bilong kantri.

Seketeri bilong CLRC, Dokta Erick Kwa i tok komisn i pinisim draf ripot bilong maining na envairomen lo long menesim ol pipia bilong main na ol arapelahevi, bihain long gavman i askim CLRC long kamapim ripot long

senisim sampela lo bikos bikpelahevi ibungim envairomen na laip bilong pipel taim maining kampani i salim pipia i kam aut.

Dokata Kwa i tok CLRC bai kamapim wanpela draf bil na givim long gavman long taim bilong givim fainol draf bilong ripot.

Planti taim pinis, bikpela komple i kamap olsem ol sampela maining kampani long kantri i no

gat teiling dem o ples bilong tromoi ol pipia, na ol i salim i go stret long ol bikpela wara na bagarapim envairomen na laip bilong ol pipel.

Pipia bilong maining I gat strongpela ol kemikel na I ken bagarapim ol pipel na I ken kalap I go long jeneresel long bihain.

Ok Tedi em I wanpela bilong maining kampani i wok long salim pipia bilong main stret i go long OK Tedi Riva.

Bihain long 18-pela mun bilong konsultatesen, CLRC i kamap wantaim 19-pela rikomendesen na i givim wanpela mun long pablik na stekholda long kantri na ovasis long ol i ken lukim, putim tingting bilong ol long CLRC bai kamapim fainol ripot na givim long gavman.

Sampela bilong ol rikomendesen CLRC i mekiim em;

-Senis i mas kamap long Maining Ekt 1992long stopim ol maining kampani long tromoi pipia bilong main i go long ol riva o bikpela wara. (dispela em bilong ol maining kampani husat bai kam bihain)

-Senis i mas kamap long Maining Ekt 1992 na Pablik Helt Ekt 1963 long gavman i mas wanbel long helt impek Asesmen pastaim na givim laisens bihain;

-Nesenel Eksektiv Kaunsel (NEC) i mas givim tok orait long kamapim wanpela independen bodi aninit long lo long go pas long moniterim, kodinetim na tok orait long olgeta asesmen bilong helt, sosel na envairomen bes long ol polisi bilong ol dipatmen olsem Helt, Envairomen na Konsevesen na Komyuniti Dvelopmen.

-NEC i mas givim tok orait long kamap wanpela wanpela independen bodi long wok wantaim ol papagraun bilong maining eria long karim hevi na wari namel long gavman, papagraun na ol delopla.

Dokta Kwa i tok ol Woking Komiti i kamapim dispela ripot bihain long ol ikisim toktok long ol papagraun, pablik na ol maining kampani.

Em i tok wok bilong CLRC em i long lukluk raun long olgeta lo insait long kantri na i ken kamapim senis sapos planti pipel i laikim senis i kamap.

Dokta Kwa i tok em i kisim bikpela sapot ong Porgera Gold Main na Ok Tedi.

Em i tok Lihir na Tolukuma main i les long toktok na pasim dua long tim bilong em taim ol i go kamap long hap.



WELKAM LONG PALAU: Ol bikman i welkamim Praitim Minista, Peter O'Neill taim em i pundaun long Majuro ples balus long Palau, Maikronesia long stap Pasifik Ailans Forum bung i kamap nau long hap. *Poto: PM's Media*



THE WANTOK EXPRESS

Win a two day nationwide free scenic charter and overnight accommodation for you and 25 of your family and friends.



QUALITY FIRST

HOW TO ENTER

- Buy any of Paradise Foods Biscuits.
- Circle your purchase on your store receipt.
- Write your name, address and phone number on the back of your receipt.
- Place in the entry box in store.

WHAT YOU WIN

The lucky winner gets to choose 25 family and friends to join them on the Paradise Wantok Express.

The Wantok Express departs on Saturday 1st, and returns Sunday 2nd November 2014.

Paradise Foods will provide one night accommodation, transfers and meals for you and your family and friends at your overnight destination of choice.

Airlines PNG departure and overnight destination options: Port Moresby, Lae, Mt. Hagen, Tabubil, Kiunga, Daru, Popondetta, Tari, Alotau, Misima, Losuia, Kimbe, Kokopo, Buia, Kavieng, Manus, Madang, Wewak, Goroka or Tari.

Competition Starts: Sunday 13th July 2014
 Entries Close: Saturday 4th October 2014
 Winner is Drawn: Saturday 18th October 2014

Competition terms and conditions are available at www.paradisefoods.com.pg.













Nupela agrimen long kontrolim buai

Isaac Liri i raitim

TAIM Nesenel Kapital Distrik NCD i putim tambu long buai long Pot Mosbi siti long stat bilong dispela yia, ol buai saplaia bilong Sentral na Galp provins, na tu, ol liklik bisnis manmeri insait long siti i kisim bikpela taim tru bikos ol i save salim buai long kisim mani na sapatim ol yet na famili bilong ol.

Gavana bilong NCD Powes Parkop i tok las wik olsem em i luk-save long dispela hevi bilong ol, na long dispela as, em i singautim media long lukim NCD sainim wanpela nupela sevis agrimen wantaim Askopina Limited.

Dispela sevis agrimen bai givim laisens long Askopina long kisim buai i kam insait long siti na givim long ol maket long salim.

Ol maket husat i salim buai insait long siti bai rejista na i mas gat laisens long salim buai. Ol buai maket insait long siti bai go pas long lukautim rabis bilong ol yet na ol kastoma bilong ol. Ol bai lusim laisens bilong ol sapos ol i no lukautim gut rabis bilong ol.

Askopina bai go pas long lukautim olgeta buai maket insait long siti husat i rejista na i salim buai.

"Dispela agrimen no inap lukim



Menesing Dairekta bilong Askopina, Troy Tetley, Gavana bilong NCD, Powes Parkop, na Siti Menesa bilong NCD, Leslie Alu i sainim pepa long nupela agrimen long lukautim buai long Pot Mosbi siti. Poto Isaac Liri.

ol manmeri i karim buai kam insait long siti nating nating, nogat, dispela agrimen bai lukim buai i kam long skel namba na isi long kontrolim," Gavana Parkop i tok.

Askopina na NCD i mekim dispela bikos ol i lukim olsem dispela agrimen bai kontrolim buai insait long siti, stopim ol manmeri long hait na karim buai i kam insait long siti, daunim hevi bilong ol buai saplaia we buai tambu i bagarapim

bisnis bilong ol, na helpim NCD long kamapim gutpela na klinpela siti.

Askopina i mekim agrimen wantaim sampela ol buai saplaia bilong Sentral provins pinis, na ol bai lukluk long mekim wankain agrimen wantaim ol saplaia bilong Galp provins.

Dispela agrimen bai lukim Askopina i baim buai long ol saplaia na karim i kam insait long

siti.

NCD i bin mekim wok painim aut na i lukim olsem em i no wanpela isi samting long stopim buai insait long siti.

Gavana Parkop i tok em i save olsem planti manmeri i save laik kaikai buai, na NCD bai no inap long stopim ol long kaikai buai.

Em i tok hevi i save kamap taim ol manmeri i no lukautim gut rabis bilong ol taim ol i kaikai buai na

spet nambaut.

"Planti bilong ol manmeri husat i save kaikai buai na spet nambaut em ol bikpela save manmeri husat i gat ol bikpela wok."

"Ol dispela manmeri i gat bikpela save tasol ol i no save yusim save bilong ol long ol liklik samting olsem," Gavana Parkop i tok.

NCD na Askopina i gat strongpela tingting olsem dispela sevis agrimen bilong ol bai karim kaikai.

Long neks mun, Askopina bai go het wantaim sampela moa wok painim aut, na long mun Oktoba, ol i lukluk long opim nupela buai fektori.

Dispela buai fektori bai givim sans long ol manmeri long kisim wok, na tu, olgeta skin buai bai go bek long dispela fektori long mekim ol prodak we ol manmeri i ken benefit long en.

Menesing Dairekta bilong Askopina, Troy Tetley, i tok ol bai givim moa toksave long media na publik bihain taim ol i stretim olgeta pepa wok bilong ol projek bilong ol

Mista Tetley i tok ol i givim tok-save long ol NGO na ol arapela kampani long givim sapat sapos ol i laik wok bung wantaim.

Ol kampani husat i wok bung wantaim NCD na Askopina bai gat sans long mekim bisnis tu.

Bulolo haiwe i bagarap

Stanley Nondol i raitim

DEPUTI oposisen lida na memba bilong Bulolo Sam Basil i singaut long Minista bilong Woks, Francis Awesa, Nesenel Rot Atoriti (NRA)na Woks Dipatmen long putim mani na wok bung long stretim Bulolo haiwe bikos i gat planti bisnis i stap long hap i baim takis long gavman.

Mista Basil i tok Bulolo haiwe tu i givim sevis long Obura Wanenar distrik long Isten Hailens, Menyama na Huon Galf distrik long Morobe.

Mista Basil i tok nogat wok stretim i bin kamap long dispela haiwe longpela taim na apim kos bilong trenspot i go anatp na ol pipel husat i yusim dispela rot i baim



DEPUTI oposisen lida na memba bilong Bulolo Sam Basil.

bikpela mani long ol PMV.

Em i tok NRA na Dipatmen bilong Woks i mas wok bung wantaim distrik bilong em long stretim dispela haiwe.

"Bulolo haiwe i bagarap na planti eksiden i kamap pinis na planti singaut i kam long komyuniti long gavman i mas kwiktaim stretim dispela rot."

"Gavman i save kisim takis mani long rot olsem takis bilong fiul, rejistresen bilong ol kar, PMV na draiva liasens, trafik fain na ol arapela fain a takis. Wanpela disisen i

mas kamap long wanem hap bilong ol dispela mani bai gavman i skelim na givim bek long provins." Mista Basil i tok.

Mista Basil i tok Bulolo haiwe i bagarap na planti eksiden i kamap pinis na planti singaut i kam long komyuniti long gavman i mas kwiktaim stretim dispela rot.

Em i tok, em wok bilong nesenel gavman long stretim Bulolo haiwe na dispela wok em woks dipatmen i givim long Nesenel Rot Atoriti.

Mista Basil i tok em i kisim tok-save olsem NRA i no kisim mani yet long nesenel gavman. Na dispela rot bai i kamap orait olsem wanem na husat bai stretim?.

Bulolo haiwe i bin kamap long bipo taim bilong masta kiap. Em i

givim sevis long 4-pela distrik long Morobe na Isten Hailens.

Gutpela rot bai mekim isi long ol sevis olsem helt, edukesen, egrikalsa na planti pipel bai kisim ol dispela helpim.

Na moa long en, Mista basil i tok Bulolo haiwe i gat bikpela ikonmik veliu. "Bulolo haiwe i givim sevis long bikpela kar i save karim ol saplai bilong kakaruk long Zenag, plaiwud na timba bilong PNG Fores Prodak. Em i givim sevis long Hiden Veli Gol Main, Wafi/Golopu Main na ol kopi fama long Bulolo". Em i tok

Mista Basil i tok NRA, woks dipatmen na distrik bilong em i no ken sutim tok long husat bai stretim tasol i mas wok bung long helpim ol pipel na bisnis long hap.

Ol gutpela pipel bilong PNG!

Noken lus tingting long baim

WANTOK

Niuspepa Tude!

Em niuspepa bilong yumi ol PNG stret!!!

K1 tasol!

38,000 kendidet bin resis long LLG ileksen

MAK olsem 38,000 man na meri bin sanap long Lokol Level Gavman kaunsel ileksen insait long Papua Niugini long las yia long ol sit bilong Kaunsel Presiden na ol Wod Kaunsel. Dispela rekot i kamaut long ripot bilong 2013 LLG ileksen ripot we Nesenel Eksekutiv Kaunsel (NEC) bin lukim na oraitim long dispela wik.

Ekting Praim Minista na Minista i go pas long Inta Gavman Rilesens, Leo Dion i tokaut olsem bikpela namba bilong ol manmeri i bin resis long ol dispela kaunsel ileksen sit bikos long disisen bilong Nesenel Gavman long putim mani mak long K500,000 i go stret long ol LLG long mekim ron bilong ol sevis go gut insait long ol komyuniti level.

2013 LLG Ileksen em i namba wan taim we olgeta LLG Presiden bin kisim vot i kam stret kam long ol pipel bihainim disisen bilong kabinet.

Mista Dion i tok olgeta provins i bin wanbel long dispela disisen bilong kabinet (NEC) tasol wanwan Hailans provins bin no laikim tasol bihain ol bin wanbel.

Em i soim aut tu sampela bikpela samting we i kamap long 2013 LLG Ileksen olsem:

- Total namba bilong ol kendidet – 38,000
- Namba bilong ol feil LLG - 27 LLGs
- Namba bilong ol feil wod - 609
- Namba bilong LLG Presiden ilek – 292
- Namba bilong olWod Kaunsela ilek – 5,481
- Namba bilong Wods nogat salens long en - 96
- Namba bilongAnprokleimWod IlektedKaunselas - 3
- Total namba bilong ol LLGs – 319
- Total namba bilong ol Wods – 6,190

Mista Dion i tok bai ol i karimaut saplimentri ileksen bilong ol dispela 27 LLG we ileksen i no bin kamap gut long ol.

Mista Dion i autim bikpela tok tenkyu na amamas i go long ol wokmanmeri bilong Ilektoel Komisn long bikpela wok na gutpela risal i kamap long dispela taim bilong LLG ileksen long kantri.

Dispela ripot bai kamaut long bikpela bung bilong palamen long dispela mun Ogas.

NCD helpim ol provinsal grup long siti

Isaac Liri i raitim

GAVANA bilong **Nesanel Kapital Distrik (NCD)**, **Powes Parkop**, i tokaut olsem NCD i putim **K210,000** long baset long helpim ol wan wan provinsal grup long kamapim ol provinsal selebresen insait long siti.

NCD i bin kamap wantaim dispela tingting bikos ol i luk-save olsem ol provinsal de insait long siti i save bringim planti gutpela entatenmen long laip bilong siti, na tu, promotim kalsa bilong ol provins insait long siti.

Long ol yia i go pinis, ol provinsal grup bilong ol sumatin long Yunivesiti ov Papua Niugini (UPNG) i save go pas long ol provinsal de, na ol i save painim rot bilong ol yet long kamapim mani long sapotim ol dispela de.

Ol Nu Ailan na Bogenvil sumatin bilong UPNG i kisim hap mani bilong ol pinis long taim ol i kamapim provinsal de bilong ol.

Gavana Parkop i tok wan wan provinsal grup bai kisim **K10,000** long helpim ol long kamapim provinsal de bilong ol.

Em i tok dispela sistem long helpim ol provinsal grup i stat long dispela yia na bai kamap gen long ol yia i kam bihain.

Em i tok bipo NCD i save givim liklik sapot, tasol nau, NCD i luksave olsem em i gutpela long givim moa

sapot.

Gavana Parkop i tok sampela ol provinsal grup i no stretim ol yet gut na NCD bai no inap givim mani long ol grup husat i no redi.

Gavana Parkop i tok dispela helpim i go long ol provinsal grup bai lukim ol provinsal grup i wok bung wantaim NCD.

"Planti manmeri bilong ol arapela provins i save kam long NCD long mekim bisnis, kisim edukesen na bihain ol i save tok rabis long siti," Gavana Parkop i tok.

Gavana Parkop i tok em i laik senisim dispela kain tingting bikos em bai no inap kamapim wanpela gutpela samting, na tu, em i no inap long helpim siti long develop.

Gavana Parkop i gat strongpela bilip olsem dispela nupela wok bung namel long NCD na ol provinsal grup bai i kamapim senis long laipstail bilong siti.

Ol provinsal grup husat i bin stap long NCD opis las wik long kisim sek mani bilong ol em Oro na Morobe provinsal grup.

Sumatin grup bilong Solomon Ailan tu i bin kisim **K10,000** bilong ol.

Gavana Parkop i tok Solomon Ailan komyuniti insait long siti i planti tru na ol i save helpim long developim siti tu.

Em i tok ol Solomon Ailan sumatin i save kam skul long UPNG long bipo yet i kam inap nau na i moabeta

long ol i kisim sapot tu.

"Sapot bilong NCD i go long ol sumatin bilong Solomon Ailan bai strongim wok pren namel long tupela kantri tu," Gavana Parkop i tok.

Gavana Parkop i sanap wantaim ol UPNG sumatin bilong Morobe, Oro na Solomon Ailan.



GET MORE FOR LESS!



Benk bilong ol meri bai op

OL meri insait long Papua Niugini bai gat wanpela benk bilong ol long 15 Ogas. Dispela benk em ol kolim Womens Maikro Benk long Mosbi we olgeta mama insait long Mosbi siti na Sentrel provins bai namba wan lain long opim pasbuk akaun na kamap memba.

Bosmeri o Sief Eksekyutiv Opisa (CEO) bilong dispela benk, Thushari Hewapathirana i tokaut long aste olsem olgeta meri na ol yangpela meri ken sambai long kamap memba bilong dispela benk bikos em benk bilong ol meri stret. Hewapathirana i mekim dispela tok-save i go aut long olgeta meri insait long Papua Niugini long kisim save nau long kamap bilong dispela Womens Maikro Benk.

Em i tok ol kastoma i ken kam nau long opis bilong ol na toktok wantaim ol opisa bilong ol long ol rot na tingting bilong opim pasbuk, amas mani long opim akaun wantaim, ol dinau o lon bilong helpim ol meri na ol

arapela bisnis bilong benk we i ken helpim ol kastoma bilong ol.

Dispela benk i op long olgeta meri long ples, setelmen, husat mama i salim ais blok, klos, skon flawa o mekim wanem liklik wok stap na tu long ol wokmeri long joinim.

Olgeta meri husat i stap pinis wantaim grup bilong Wimen In Bisnis long Papua Niugini em ol kamap memba pinis long dispela benk. Ol gat pasbuk akaun pinis long benk ya.

Wimens Maikro Benk i bin stat taim wok bilong Wimen In Bisnis i bin go raun insait long kantri na luksave bilong kamapim benk i kamap bihainim dispela wok na raun bilong Wimen In Bisnis.

Hewapathirana i tok moa olsem ol meri i ken opim akaun bilong ol wankain olsem ol arapela benk insait long kantri we yumi save gat pasbuk akaun wantaim ol. Bai i nogat planti toktok o kwesten long taim yu laik opim akaun.

KUNDU PACKAGE ACCOUNT

K9.50
ONE STANDARD MONTHLY FEE

Individual transaction fees are waived for all

- ✓ EFTPoS purchase
- ✓ ATM transactions
- ✓ Mobile Banking*
- ✓ Internet Banking
- ✓ First 6 Branch transactions FREE

*Standard service fees apply to purchase of EasiPAY and phone Top Ups.

FOR MORE INFORMATION

☎ 320 1212 / 7030 1212 - 24/7

✉ servicebsp@bsp.com.pg

🌐 www.bsp.com.pg





Ol PNGDF husat i bin stap long dispela sekyuriti program

Amerika helpim PNGDF long strongim sekyuriti

SAMPELA memba bilong U.S Air Fos i bin stap long Murray Bareks long las wik long go pas long wanpela sekyuriti program wantaim ol memba bilong Papua Niugini Difens Fos (PNGDF).

Dispela program em Pacific Defender Outreach Program na i bin stat long Julai 21 na pinis long Julai 25.

As bilong dispela program em long strongim sekyuriti bilong ol PNGDF na ol Polis opisa.

Dispela program em i kamap bikos Amerika na Papua Niugini i gat gutpela wok pren namel long tupela, na Amerika i laik helpim

Papua Niugini long strongim sekyuriti bilong kantri long taim bilong 2015 Pasifik Gems na 2018 APEC bung.

Long dispela program, ol i bin toktok long rot bilong kontrolim ol manmeri long taim bilong ol bikpela bung, menesim ol yet gut long taim bilong bung, na luksave hariap sapos wanpela samting no gut bai kamap o no gat.

Amerika i save lukim Papua Niugini olsem wanpela lida long Pasifik Ailan rijon, na long dispela as, ol i laik helpim Papua Niugini long strongim nesenel sekyuriti.

Wok lain bilong treseri mas stap long distrik

OLGETA distrik treseri wokman meri insait long kantri husat i save wok long ol provinsal hetkwata i mas go bek long distrik bilong ol na ol i no ken i stap long taun na wok.

Seketeri bilong Fainens, Dokta Ken Ngahan i givim dispela oda insait long wanpela wok lukluk raun bilong em long Madang provins long dispela mun.

Dokta Ngahan i tok olgeta treseri wok manmeri long PNG husat nau i wok long provinsal hetkwata na mekim wok mas muv i go long wan wan distrik gavman i makim long wok long en na ol i no ken stap long taun.

Em i mekim dispela toktok long bekim askim bilong ol nius lain bilong Madang long taim em i go lukluk raun long Bogia distrik long sekim ol nupela haus, dipatmen bilong em i wokim bilong ol wok lain bilong

Bogia distrik treseri.

Ol niuslain i tokaut olsem sampela ol distrik i nogat ol treseri wok lain i stap wok, na planti ol i wok stap long taun na westim taim nating long ol provinsal hetkwata na kisim pei nating long gavman.

Tasol Dokta Ngahan i bekim tok olsem sampela distrik treseri opisa olsem dispela ol lain long Bogia distrik long Madang, i gat hevi wantaim ol as ples olsem na ol i lusim distrik na no gat wok bilong treseri i kamap long distrik.

Em i tokaut olsem insait long Madang provins, ol treseri opisa bilong Bogia na Midel-Ramu distrik i wok long mekim wok bilong ol long provinsal hetkwata long Madang moa long tupela yia nau.

Dokta Ngahan i givim as bilong hevi ol Treseri opisa long Midel-Ramu i gat em ol i no gat pawa jenereta long mekim wok

long ranim ol sek-mani long distrik olsem na ol i save stap long taun long mekim wok.

Tasol Dokta Ngahan i tokaut olsem em bai putim aut wanpela notis pepa o sekula i go long olgeta provinsal tresera long kantri olsem olgeta distrik treseri wok lain i mas stap na wok long wan wan distrik hetkwata bilong ol.

Narapela bikpela hevi tu em long sait bilong haus-slip bilong ol treseri wok lain. Ol niuslain i tokaut long Seketeri olsem sampela ol opisa i tok ol i no gat haus long distrik olsem na ol i save stap wok long taun.

Dokta Ngahan i bekim tok olsem, aninit long Distrik Treseri Rolaut Program long 2005 na 2006, gavman i bin wokim ol opis na haus bilong ol treseri wok lain long 89 distrik insait long kantri na ol opisa i no ken givim eksklusus o mauswara olsem no gat haus na opis i stap.

Madang polis opim nupela FSVU

JAMES G. KILA i raitim

MADANG Jomba Polis stesen namba wan taim tru nau i gat wanpela nupela unit o seksen bilong stretim ol hevi na wari bilong famili na seksual vailens long provins.

Dispela nupela FSVU Yunit nau i op pinis long lukluk tasol long stretim ol hevi, we pastaim em Seksual Ofenses Skwat bilong polis i save stretim.

Katolik Asbisop bilong Madang, Stephen Reichart i blesim na opim dispela nupela FSVU unit long las mun tasol, wantaim ol komyuniti na gav-

man lida bilong Madang, namel long ol em gavana bilong provins, Jim Kas tu i bin stap.

Madang polisi kamap namba tu insait long PNG long opim kain FSVU unit bihain long Porgera long Enga provins, husat i opim wankain yunit wanpela wik pastaim long Madang.

Madang Provinsal Polis Komanda (PPC), Sif Suprintenden, Sylvester Kalaut i givim bikpela tenkyu i go long ol lain husat i helpim wantaim kes-mani na ol arapela samting long wokim dispela nupela FSVU unit long Jomba Polis Stesen.

PPC Kalaut i tok amamas long Madang provinsal gavman long givim K51,000, PNG-Australia Lo na Jastis Sekta Program na ol lokal kampani long Madang olsem Madang Timbas long givim fri timba na Ela Enterprises, Heli Niugini na BNBM Hardware long givim lojistiks sapot.

Gavana bilong Madang, Mista Kas i tok em wok bilong olgeta lain long provins long daunim hevi o pasin nogut i kamap namel long ol famili, tasol tude planti lain i no save tokaut long daunim ol kain hevi olsem.

Em i tok Madang provins i gat hevi bilong famili na seksual vailens i stap wankain olsem ol arapela provins long PNG, tasol planti lain i no tok strong long daunim dispela pasin nogut bikos ol i prèt, nogut ol lain i kamapim birua i givim hevi tu long ol.

Mista Kas i tok em wok bilong olgeta lain insait long komyuniti long wok wantaim polis long daunim famili na seksual vailens keis long em i no ken i go bikpela.

Em i tok Madang provins nau i bin long lukim planti kain kain developmen long sait long ikononi na bisnis na pasin bilong planti pipel i l wok long senis, i no olsem 10 o 15 yia bipo. Senis i wok long kamap wantaim kain kain pasin na dispela senis tu i go insait long famili na kamapim sampela hevi long sindaun bilong famili.

Presiden bilong Madang Kaunsil ov Wimen, Mary Kamang i tok amamas long Royal PNG Konstabulari na salim tok amamas bilong ol mama long Madang i go long PPC Kalaut long kamapim tupela woksop.

Misis Kamang i tok tu olsem, famili na seksual vailens save stap long pasin na tingting bilong kain kain manmeri na olgeta lain i mas wok bung wantaim polis long daunim dispela hevi.

Em i tok i no wok bilong polis tasol long daunim pasin bilong seksual vailens.

Misis Kamang i tok ol non-gavman ogenaiesen (NGO) i save traim rot bilong ol yet long stretim na helpim ol meri na pikinini long sait long famili seksual vailens, tasol nau wantaim dispela nupela FSVU long Madang polis stesen, ol bai wok bung long traim daunim dispela hevi wantaim.

OTML Maritime Dek Kedet redi long solwara

TUPELA dek na enjinia kedet aninit long sponsa bilong Ok Tedi Mining Limited (OTML) i winim pinis namba wan hap bilong 3 yia trening program na ol i redi long go long solwara.

Bradley Dickson na Mark Saukeng, wantaim tupela narapela kedet bilong Westen Provins i namba wan lain long kisim skul aninit long sponsa bilong OTML Maritim Kedesip program bilong PNG Maritime Koles long Madang Provins.

Dickson na Saukeng i bilong ol maunten bilong Olsobip insait long Not Flai distrik tasol nau tupela i kamapim nupela stori, long kamap namba wan man bilong dispela hap long kisim trening bilong marin dek kedet.

Ol i pinisim 6 mun skul insait long klasrum na nau ol i redi long kisim tupela yia trening kedet skul antap long sip wantaim kontrakta siping kampani, V-Ship.

V-Ships, wanpela siping



Bradley na Mark (fran); (Baksait, l-r) James Yore, Komyuniti Developmen Treningn Opisa, Harold Duigu, Human risos menesa, Morris Nandun, Suparintenden bilong Lainim na Developmen, Eric Kuman, Edukesen Risos Edvais, Tatias Aminok, Komyuniti Lainim Developmen Supavaisa.

kampani bilong Singapore husat i wok long lukautim ol sip bilong OTML, i wok poroman wantaim OTML long menesim dispela dek kedetsip trening program.

Tupela man i mas pinisim 3000 metrik tan sipmen wan wan insait long tupela yia bihainim mak bilong PNG Maritime Koles, na bihain bai ol i ken greduet.

Insait long wanpela liklik bung bilong givim luksave long las wik, OTML Human Risos Menesa, Harold Duigu i tok amamas long tupela man na givim tok stia olsem tupela i mas gat strongpela tingting long kamap winman long wok bilong tupela.

"Strongpela as bilong gutpela wok i stap long gutpela pasin bilong wok na mipela i

laik lukim pasin bilong yupela i senis," said Mr Duigu.

"Maski OTML i baim olgeta kos bilong trening, yutupela i mas taitim bun na pinisim gut program," em i tok.

OTML Edukesen Risos Edvais, Eric Kuman, husat i bosim dispela program, mekim bikpela luksave long tupela kedet long kamap long dispela mak.

Mista Kuman i salensim tupela man long ol i mas kisim strongpela tingting long wok na bai tupela inap long pinisim dispela tripela yia program gut.

Tupela man i amamas long go long solwara olsem na ol i tok tenkyu tru long OTML long givim dispela sans long ol. Tupela i tok promis long taitim bun na pinis wantaim gutpela mak long skul.

Wok lain bilong treseri mas stap long distrik

OLGETA distrik treseri wokman meri insait long kantri husat i save wok long ol provinsal hetkwata i mas go bek long distrik bilong ol na ol i no ken i stap long taun na wok. Seketeri bilong Fainens, Dokta Ken Ngahan i givim dispela oda insait long wanpela wok lukluk raun bilong em long Madang provins long dispela mun.

Dokta Ngahan i tok olgeta treseri wok manmeri long PNG husat nau i wok long provinsal hetkwata na mekim wok mas mov i go long wan wan distrik gavman i makim long wok long en na ol i no ken stap long taun.

Em i mekim dispela toktok long bekim askim bilong ol nius lain bilong Madang long taim em i go lukluk raun long Bogia distrik long sekim ol nupela haus, dipatmen bilong em i wokim bilong ol wok lain bilong Bogia distrik treseri.

Ol niuslain i tokaut olsem sampela ol distrik i nogat ol treseri wok lain i stap wok, na planti ol i wok stap long taun na westim taim nating long ol provinsal hetkwata na kisim pei nating long gavman.

Tasol Dokta Ngahan i bekim tok olsem sampela distrik treseri opisa olsem dispela ol lain long Bogia distrik long Madang, i gat hevi wantaim ol as ples olsem na ol i lusim distrik na no gat wok bilong treseri i

kamap long distrik.

Em i tokaut olsem insait long Madang provins, ol treseri opisa bilong Bogia na Midel-Ramu distrik i wok long mekim wok bilong ol long provinsal hetkwata long Madang moa long tupela yia nau.

Dokta Ngahan i givim as bilong hevi ol Treseri opisa long Midel-Ramu i gat em ol i no gat pawa jenereta long mekim wok long ranim ol sek-mani long distrik olsem na ol i save stap long taun long mekim wok.

Tasol Dokta Ngahan i tokaut olsem em bai putim aut wanpela notis pepa o sekula i go long olgeta provinsal tresera long kantri olsem olgeta distrik treseri wok lain i mas stap na wok long wan wan distrik hetkwata bilong ol.

Narapela bikpela hevi tu em long sait bilong haus-slip bilong ol treseri wok lain. Ol niuslain i tokaut long Seketeri olsem sampela ol opisa i tok ol i no gat haus long distrik olsem na ol i save stap wok long taun.

Dokta Ngahan i bekim tok olsem, aninit long Distrik Treseri Rolaut Program long 2005 na 2006, gavman i bin wokim ol opis na haus bilong ol treseri wok lain long 89 distrik insait long kantri na ol opisa i no ken givim ekskius o mauswara olsem no gat haus na opis i stap.

US Embeseda raun long Kerema



Embeseda Walter North wantaim ol memba bilong Galp provinsal gavman.

EMBESEDA bilong Yunitet Stets ov Amerika (USA), Walter North, i bin raun i go long Kerema long dispela mun.

Deputi Edministreta bilong Galp provins, Emmanuel Xavier, i bin stap long tok welkam long Embeseda North.

Embeseda North i bin raun i go long Kerema hau sik, Kerema Hai Skul, na Illakaraita Praimeri Skul.

Em i bin raun i go long Charity Baptist Skul tu. Dispela skul em ol miseneri bilong Amerika i save lukau-tim.

“Kerema em wanpela naispela ples tru, na ol manmeri i save gut tru long welkamim ol man bilong arapela ples. Mi yet kam lukim na nau mi gat bilip,” Embeseda North i tok.

Em i tok dispela raun i bin wanpela naispela raun tru na em i ama-

mas long helpim bilong ol memba bilong provinsal gavman na polis.

“Amerika i wok long strongim wok pren wantaim Papua Niugini, na mi gat strongpela tingting long kamapim gutpela wok pren wantaim Galp provins tu,”

Nu Ailan provinsel bai go bek long Julai 27

OLGETA pipel bilong Nu Ailan i stap nabaut long Papua Niugini i bin bung na amamas long wan wan hap bilong ol las wik Trinde 23 Julai, long makim Nu Ailan de wantaim kain kain stail tumbuna singsing, danis na stail.

Long dispela yia na i go, Nu Ailan de bai kamap long 27 Julai tasol. Bilong wanem, Nu Ailan de tru em i mas kamap long Julai 27.

Gavana bilong Nu Ailan provins, Sir Julius Chan i tok amamas long ol Nu Ailan komyuniti long Pot Mosbi, Lae, na Madang long ol i soim selp rilaiens long ogenaisim ol selebresen bilong ol yet.

“Em i gutpela tru long lukim olsem ol praiwet sekta i go pas long ogenaisim dispela bikpela de bilong ol Nu Ailan. Em i soim olsem Nu Ailan i sanap olsem wan pipel tasol,” Sir Julius i tok.

Tasol long Nu Ailan yet, olgeta selebresen i bin kamap long de Sande, bilong wanem taim no gut i bin stopim ol long holim long Trinde 23.

Tasol Sir Julius i tok, “Mi ting olsem dispela em i olsem wanpela toktok i kam long bikman antap. Bikos tok tru em i olsem, Nu Ailan de em 27 Julai, em i de we long 1977 taim yumi kisim provinsel sata na namba wan provinsel asempli i holim miting. Tasol olgeta taim mipela i save selebretim long taim bilong Rimembrens De. Mi ting long dispela yia, Bikman antap i laikim yumi mas wokim gut long de bilong em stret, na em i kamap.”

Long Kavieng ol i bin holim ol selebresen insait long Malagan Beach

Resort. Olgeta lain i stap long Kavieng taun na ol ples klostu i bin kamap long dispela hap. Olgeta hap long nambis i bin pulap tru long ol manmeri, pikinini yangpela na lapun wantaim. Ol i amamasim dispela de long stail bilong Nu Ailan stret long san i go inap nait.

Ol selebresen long Kavien i bin gat ol spot resis, kanu resis bilong man na meri, swim resis long Kavieng basis, 60 hp na 40 hp moto bot resis na planti narapela resis i bin kamap.

Bikpela tru long dispela de, em long resis bilong naispela bilas tru. i bin gat 24 lain i go insait long dispela resis long mak bilong 6 mun bebi i go inap long 25 yia. Ol i kam soim tru kala na stail bilong Nu Ailan yet.

Pot Mosbi na Lae i lukim ol bikpela selebresen tru i kamap long Rimembrens De. Tausen pipel i bin kamap long bung wantaim Minista bilong Pablik Entaprais, Ben Micah, and na Minista bilong Mining, Byron Chan.

Nu Ailan komyuniti long Maun Hagen i skurim de bilong selebresen i go long Septemba bikos long taim bilong ren na tu hevi bilong miselis autbrek.

Sir Julius long Pot Mosbi i tok, “Nu Ailan De em i wanpela bikpela de long stori bilong yumi na em i givim yumi taim bilong soim olsem yumi i wanpela komyuniti na wan pipel tasol na wanpela famili tasol.

Yumi ken kamapim gutpela taim bilong ol pipel, yangpela na lapun wantaim long pasin bilong wanbel, maski wanem hap yumi selebretim de bilong yumi. Wanbel pasin em i trupela samting yumi mas selebretim.” Sir Julius i tok.

PUBLIC NOTICE

The Internal Revenue Commission is issuing Remittance Notices to taxpayers where penalty amounts have been assessed for late payments. These notices are distributed at the IRC counter, when taxpayers make payments in person, or are distributed by postal mail or Email for taxpayers making payments through the mail, or using Electronic payments.

Full or partial remission of penalty may be granted where the delay in lodgement or payment occurred due to circumstances beyond the control of the taxpayer. A taxpayer will need to demonstrate that it is fair and reasonable to remit the penalty, having regard to the nature of the specific event(s) or decision that prevented lodgement or payment.

For example, general statements such as adverse business conditions affecting an industry, general economic conditions, fluctuations of currency exchange rates, or geographic location within PNG, would not be considered a basis for remission.

A more compelling argument for remission might be fire, flood, or other natural disaster that disrupts business activity for a taxpayer, and prevented them from temporarily meeting their tax payment obligations.

Should a taxpayer receiving such a Remittance Notice wish to apply for remission of penalty, they should apply in writing for remission to the Commissioner-General. A taxpayer may send such a request by Email at the following address: Remissions@irc.gov.pg

Further information related to penalty remission, tax forms, and general taxation information can be obtained and downloaded at www.irc.gov.pg

Authorized by
Ms Betty Palaso
The Commissioner General



“Your partner in nation building”



Olpela Mis Saut Pasifik Frensip go skul long Saina

Mathew Yakai i raitim

SAINA em wanpela kantri long wol we i wok long pulim planti bisnis tude tasol long sait bilong edukesen, moa sumatin i wok long go skul long hap we Papua Niugini em wanpela bilong ol.

Long Ogas dispela yia bai wanpela yangpela meri Papua Niugini em Mis Yalinu Poya bilong Pangia long Sauten Hailans provins bai go

skul long mekim Mastas Digri bilong em long Inogenik Kemistri. Mis Poya i bin Mis Fensip long 2011 resis bilong Mis Saut Pasifik PNG Kwin. Em bin kamap namba tu long Mis Saut Pasifik.

Mi save bilip olsem edukesen i nogat stop bilong em. Mi gat plen long laip bilong mi.

Taim mi bin pinis long yunivesiti wantaim Basela Digri mi gat tingting yet long go het na kisim Mastas Digri na go het long kism PhD Stadis, Mis

Poya i tok.

Mis Poya bin pinis long Yunivesiti long Mosbi (UPNG) long Epril 2011 wantaim Basela ov Sains long sait bilong Kemistri na bin wok wantaim Belltek Chemical kampani long Mosbi long Jenuari 2013. Bihain em go wok wantaim Barrick Gold Mine long Pogera olsem Proses Teknisen inap nau.

Mis Poya i tok taim em bin liklik yet, em save tingting long mekim gut long skul na kamap

long wanpela gutpela mak long laip. Dispela tingting bilong em bin strong na em kamap nau long dispela mak.

Em bai skul long Northeastern University long Changhun siti stat long Ogas dispela yia na pinis long 2016 insait long tupela yia mastas program aninit long Skolasip bilong Saina Gavman.

Mis Poya i askim olgeta meri long Papua Niugini long sanap strong na strongim tingting long wanem hap yu



Yalinu Poya long resis bilong Mis Saut Pasifik PNG Kwin.

laik go long en na wok hat long kisim. Kirap nau, tude em taim i senis, ol meri i holim planti bikpela wok nau insait long bisnis, sains, gavman bikos ol meri i save bilip long mekim samting i kamap long laip bilong ol.

Edukesen em bikpela samting long olgeta samting olsem na olgeta meri mas go insait long wanem kain skul i stap redi long ol na skul strong long kisim wanem samting yu makim long kisim, Mis Poya i tok.

Noken holim pas tingting bilong bipo olsem

mipela bai stap tasol na kamap haus mama na mekim ol samting ol mama save mekim long bipo.

Taim bilong bipo em pinis, nau em taim bilong groim yangpela kantri bilong yumi long PNG. Yumi mas gat moa meri long ol bikpela posisen na wok insait long kantri, em tok.

Bai mi yumi save na strong mi lainim antap long strong bilong Papa God long givim sapot bilong mi long kirapim kantri bilong yumi long wok bilong mi., em tok.



ILLEGAL WATERCONNECTION IS A CRIME!

Offenders can be fined up to K10,000 or face imprisonment.

Become a legal and responsible water user today.

Mandated by Parliament under the National Water and Sewerage Act 1986, Waterboard trading as Water PNG coordinates the planning, design and construction of water supply as well as sewerage infrastructure; and manage and charge the provision of water and sewerage services in PNG except NCD.

Illegal connections water usage is increasingly hindering the effectiveness of timely and reliable services to customers and users of the service.

Under existing laws of the Criminal Code Act and the Water and Sewerage Act Water PNG has the power to punish offenders.

However, following the 3-month Amnesty on a cleanup campaign of illegal connections in April 2014, Water PNG will continue to issue public notices in its efforts to eradicate water bandits and all forms of illegal water use.



People found guilty of illegal use of water from Water PNG system without any prior written consent can be fined a penalty fee ranging from K500 to K10,000 or even face imprisonment.

Approved by the Chief Executive/Managing Director
Mr. Raka Tamiri Jr.

Your Life. Our Business

Buk bilong Pikinini fan resing rafel 2014.

BUK Bilong Pikinini bai holim wanpela fan resing long salim ol sampela strongpela dring long Septemba 6 na ol i wok long salim ol rafel tiket nau.

Bai gat planti ol gutpela prais na tiket em K5 tasol, na K100 long wanpela buk i gat 20 lip tiket.

Ol dispela mani bai kamap long fan resin gem bilong helpim long ranim yet ol program bilong helpim ol tarangu pikinini long kantri long ol i ken kisim gutpela edukesen na kamap ol strongpela man meri bilong wok long bihain.

Sapos yu laik baim wanpela buk o hamas tiket yu ken ringim Buk Bilong Pkinini opis long telepon namba 3200405, o ringim Elizabeth Omeri long fon number 7377 1224. Ol prais bai yu kisim long rafel tiket dro em ol dispela.

Namba wan prais em balus tiket bilong Airlines PNG long go long Tufi na slip long Tufi Resort wantaim mani bilong slip long wiken bilong tupela man. Namba tu prais em Mondiale Niugini bilong tupela man o meri bai slip long Crowne Plaza wantaim kaikai na namba tri prais em tupela tiket bilong go raun na slip long Loloata Resort.

Namba foa prais em pesonal masta kik klas bilong sikspela lain bai kisim. Namba faiv prais em wanpela Air Niugini - tu wei tiket igo long wanpela hap bilong PNG yet.

Namba 6 prais em bilong baim ol kaikai long SVS inap long K1,000.00.

I gat planti moa narapela gutpela prais tu i stap long yu ken winim.

Olgeta wik ol prais lista i save senis olsem na yu mas go long intanet websait wantaim adres; www.bukbiongpikinini.org/fundraising long painim aut moa.

Long dring pati bilong BbP 2014 ol bai wokim dro bilong painim ol wina. Olgeta wina bai kisim tok-save long fon na tu ol bai stap long BbP websait bihain long ol i kisim tok-save.

Ol wina i mas kisim prais insait long 10-pela de bihain long ol i wokim rafel dro pinis. Ol bai kamap wantaim hap bilong rafel tiket i kam long het opis bilong Buk bilong Pikinini long level 2 bilong BSP Haus.

Olgeta mani i kamap long rafel tiket bai i go stret long Buk bilong Pikinini long bringim literesi i go long ol pikinini bilong PNG.

Oi wol lida i tok sik AIDS mas pinis long 2030

BIKPELA bung bilong ol lida bilong wok long sik HIV/AIDS long wol long Melbourne, Australia i kamap wantaim strongpela tingting long daunim strong bilong sik AIDS i mas pinis olgeta long ol siti taim yumi kisim yia 2030.

Wanpela nupela grup ol i kolim Inogral Siti bilong Sosol Trensformesen i bin holim wanpela miting tu long arere bilong namba 20 intenesenel AIDS Konprens. Oi Meya na ol lain i makim 18 siti, ol gavana, senia memba bilong palamen, helt ministra, hed ov stet na ol senia helt profesenel i bin kamap long dispela bikpela bung.

Oi lida bilong Wol AIDS i kamap wantaim bikpela tingting long painim rot bilong stopim sik AIDS hariap, givim marasin, kea na sapot program na long lukluk long helpim ol lain i stap long mak bilong kisim sik hariap.

"Em i taim bilong lukluk long daunim bikpela namba bilong sik AIDs long ol siti na ol wan wan gavman bilong ol siti mas stap baksait long strongim ol wok bilong senisim mak bilong dispela sik. Oi i gat olgeta risos na rot bilong bringim ol gutpela sosel na helt sevis," Michel Sidibe, Eksekutiv Dairekta bilong UNAIDS, i tok.

Ratu Epeli Nailatikau, Presiden bilong Fiji, Nafsiah Mboi, Helt Minista bilong indonesia, Powes Parkop, Gavana bilong kapital siti bilong Papua Niugini, Pot Mosbi, Dhlomo Sibongiseni, Helt Minista bilong KwaZulu-Natal Provins long Saut Afrika, na Robert Doyle, Lod Meia bilong Melbourne, i bin stori long ol wok bilong ol yet long ples bilong ol.

"Mi gat bikpela amamas long holim dispela bikpela miting insait long siti bilong mipela.

Em i bikpela miting bikos mi bilip olsem olgeta siti long wol, ol siti bilong yumi i gat bikpela wok long mekim insait long wok bilong HIV, na long inapim ol visen bilong yumi long larim ol yangpela lain bilong yumi i stap fri long HIV,"

Lod Meya bilong Melbourne i tok.

Oi ripot long nau i soim olsem 15-pela kantri i holim 75 pesen namba bilong ol lain i gat sik HIV, bikpela namba i stap long ol taun na siti.

Insait long samting olsem 220 siti long wol, i gat bikpela namba bilong sik HIV. Long Esia na Pasifik rijon, 30 siti i gat 1 milien pipel i stap husat i gat HIV.



MSPNG i soim Sastenebel Populesen Famili Plening pilot Projek

MARIE Stopes Papua Niugini (MSPNG) wantaim Dipatmen bilong Nesanel Plening na Monitaring (DNPM), tude, 31 Julai, bai holim wanpela kibung long soim wok bilong famili plening long wanpela ruel komyuniti.

Em bai kamap long ples Gabagaba long Sentral Provins, we MSPNG i gat wanpela pilot projek bilong Sastenebel Populesen Famili Plening.

Oi bikman na bikmeri long DNPM, Helt na ol narapela dona ejensi, UNFPA na Australia Dipatmen bilong Foren Afes na Tred, palamen memba na ol lida bilong Gabagaba ples bai i stap long lukim dispela de.

Nesanel Gavman i bin kamap wantaim wanpela strateji bilong daunim gro bilong populesen long yia 2014. Dispela em "Risponsibel Sastenebel Developmen Strateji".

Dispela Sastenebel Populesen Projek em i hap bilong strateji, o plen we Dipatmen bilong Nesanel Plening na Monitaring i go pas long en. Em i gat ol gutpela rot bilong daunim na holim gro bilong populesen na em i laik wok wantaim ol ogenaesen husat i gat gutpela stori bilong mekim wok bilong populesen olsem MSPNG.

Dispela projek bai bringim gutpela sevis bilong helt bilong ol mama na bilong famili, bilong kamapim wanpela populesen we gavman inap long menesim na lukautim.

Dispela kibung long ples Gabagaba i givim taim long ol senia gavman patna long lukim long ai bilong ol yet, ol wok bilong Populesen pilot projek i wok olsem wanem.

Gabagaba em i wanpela piksa bilong ol ples long ol ruel eria we i no gat gutpela sevis long helt, bikos ol i no bin gat



Kantri Dairekta bilong Marie Stopes, Tom Ellum.

helt senta longpela taim na nau tasol ol i bin opim wanpela.

Minista bilong Nesanel Plening na Monitaring, Charles Abel bai mekim tok tok long dispela taim.

Gavana bilong Sentral Provins, Kila Haoda na Memba bilong Rigo na Minista bilong Jastis na Atoni Jeneral, Ano Pala bai i stap tu long witnessim dispela de.

Kantri Dairekta bilong Marie Stopes PNG, Tom Ellum i tok, "MSPNG i amamas long mekim wok bilong Gavman bilong PNG na ol narapela patna long gutpela bilong ol pipel bilong PNG.

"Mipela i gat bikpela bilip olsem taim yupela i kam long dispela de bilong lukim wok bilong pilot projek, ol gavman patna bai kisim moa klia tingting na wanbel long wanem projek ol i wok long sapotim."

Wanpela bikpela wok bilong Marie Stopes PNG, olsem wanpela wok mari-mari em wok bilong Famili Plening long ol komyuniti husat i no save kisim gutpela sevis.

Em i bin stat wok long PNG long yia 2006.

PNG nidim speselis ikwipmen na saveman

DOKTA Terry Maino bilong Sir Buri Kidu Hat Faundesen i askim, bilong wanem na yumi bai salim ol sik lain olsem yangpela meri, Kevlynn Charisma Komun, i go long Manila taim yumi gat ol dokta bilong yumi long kantri.

Em i mekim dispela toktok long taim ol famili bilong yangpela Kevlynn Charimsa Komun, husat i gat sik long lewa, long Gateway long Sande i go pinis.

Mis Komun em i gat sik Rumatik Hat Disis o sik tasol Dokta Maino i tok dispela sik em i no wanpela nupela kain sik. Planti pikinini na bikpela man i save kisim dispela sik long kantri. Tasol nau yet yumi mas i gat ol masin samting long kantri long stretim ol dispela kain sik.

"Olgeta yia ol sik bilong lewa i save kamap planti na i go bikpela, tasol Sir Buri Kidu Hat Faundesen em i wanpela tasol i stap long lukim na helpim ol lain i gat sik bilong lewa," Dokta Maino i tok.

"Ol sik we i save kamap long binatang olsem T.B, HIV/AIDs, kensa, taifoid, malaria i gat ples bilong testim na givim marasin bilong oraitim tasol hat atek i no gat," em i tok.

Em i tok Sir Buri Faundesen i no gat inap wokman meri na tu i no gat ol rait masin na marasin bilong stretim ol sik lain. Em i gat planti nid long mani bilong wokim moa risets na awenes long ol kain laip stail i save kamap ol sik long lewa. Laip-stail sik i wok long kamap bikpela wantaim ol kain kain di-



Dokta Terry Maino, i save wok wantaim Sir Buri Kidu Faundesen long Pot Mosbi Jeneral Haus sik.

velopmen.

"Laip stail sik i kamap pinis na bai i no nap pinis bikos em i save go wantaim developmen. Kain kain stail kaikai i kam long tin na plastik wantaim planti sol na gris i no gutpela long ol pipel bilong yumi. Gavman i mas pasim lo long tambu long sampela kain kaikai we i no gutpela na i save kamapim sik. Em i mas tambu long smok na dring bia.

Ating Gavana Powes Parkop i putim tambu long buai long siti Pot Mosbi em i gutpela samting. Ol dispela sik i kamap na yumi bai putim hevi long husat? Em yumi wan wan yet i asua long kain pasin bilong kaikai, wok na stap.

"Yumi ol lain i stap long siti i mas bosim gut wanem kain kaikai yumi kaikai na yumi mas wokim ekasesais. Mi laik tok gen olgeta taim olsem yumi olgeta i

mas wokim planti ekasesais long lukautim bodi bilong yumi," Dokta Maino i tok.

"No ken smok, no ken dring bia, no ken kaikai i gat planti gris, no ken kaikai na dring planti suga," em i tok.

Dokta Maino i tok moa olsem ol dokta i lukim pinis wanpela man husat i gat 30 krismas tasol na em i i kisim hat atek.

Em i tok strong moa long gavman i mas kisim salens long helpim ol helt woka olsem dokta long lainim moa speselis helt eria we ol i ken wokim hat sejeri o katim na stretim lewa.

Long dispela taim, Fainens Minista na Memba bilong Tari-Pori, James Marape i askim Sir Buri Kidu Faundesen long givim plen bilong wok bilong ol long 2105-2017. Wankain taim tu em i promis long givim K30,000 long helpim faundes-sen.

POMGH kisim moa nupela ikwipmen



Star Office Works i donetim wanpela serial printa long haus sik.

BIKPELA senis i kamap long Pot Mosbi Jeneral Haus sik (PMGH), long Nesanel Kapital Distrik, na ol i wok long kisim ol nupela ikwipmen tu long givim gutpela sevis long ol siklain na woklain insait long haus sik.

Insait long mun Julai, Bor-

neo Pacifik Pharmaceutical ii bin donetim K20,000 i go long haus sik na Sif Eksekutiv Opisa (CEO) bilong haus sik, Grant Muddle i bin kisim.

Mista Muddle i tok, ol bai yusim dispela mani long baim wanpela kompiuta bilong holim ol rekot bilong ol siklain

insait long haus sik.

Long wankain taim tu, wanpela steseneri kampani, Star Office Works i bin donetim wanpela serial printa i go long haus sik. Dispela em bilong prinim ol rekot bilong ol marasin na ol siklain.

BSP mekim Meri Seif Haus kamap gut moa



Yut, Meri na Famili
Pastor Barbara Lunge

Laikim bilong God i no save pinis

GOD i save laikim ol arapela! God Papa na em yet i as bilong pasin bilong laikim!

Em i wokim wan wan manmeri long stap amamas na stap insait long pasin bilong laikim insait long laip wantaim em. Pasin bilong laikim ol samting bilong graun we God yet i kamapim bai bruk na lus taim yumi go insait long laip wantaim man i kamapim yumi na olgeta samting wantaim.

"Ol pren, yumi wan wan i mas laikim tru ol arapela, long wanem, pasin bilong laikim ol arapela em i pasin bilong God. Na man i laikim tru ol arapela, em i pikinini bilong God, na em i save tru long God. God yet em i as bilong dispela pasin bilong laikim ol arapela. Olsem na man i no save laikim ol arapela, em i no save long God. God i gat wanpela pikinini tasol, na em i salim dispela pikinini i kam long graun, bai yumi kisim laip long em. Long dispela pasin God i soim yumi olsem em i laikim yumi tru. Pasin bilong laikim ol arapela, em i pasin bilong God.

Yumi no ken ting, yumi bin laikim God pastaim. Nogat. God i laikim yumi pastaim. Olsem na em i bin salim Pikinini Man bilong en i kam long graun bilong lusim ol sin bilong yumi. Ol pren, long dispela pasin bilong en God i soim yumi olsem em i laikim yumi tru. Olsem na yumi wan wan i mas laikim tru ol arapela. I no gat wanpela man i bin lukim God. Tasol sapos yumi laikim tru ol arapela, orait God i stap wantaim yumi, na dispela pasin bilong en bilong laikim ol arapela, em i kamap strong pinis insait long laip bilong yumi. Jon 4:7-12.

"God i gat wanpela Pikinini tasol i stap. Tasol, God i laikim tumas olgeta manmeri bilong graun, olsem na em i givim dispela wanpela Pikinini long ol. Em i mekim olsem bilong olgeta manmeri i bilip long em ol i no ken lus. Nogat.

Bai ol i kisim laip i stap gut oltaim oltaim. God i no salim Pikinini bilong en i kam long graun bilong skelim pasin bilong ol manmeri bilong graun olsem jas. Nogat. Em i salim em i kam bilong kisim bek ol." Jon 3:16-17

Jisas wanpela tasol em i rot bilong yumi go bek long God na amamas wantaim laikim bilong em.

Jisas i tok, "Mi tasol mi rot, tok tru na laip. No gat wanpela man bai i go long Papa bilong mi, sapos em i no kisim mi," Jon 14: 6...

Jisas i tok bilong em olsem, "Tru tumas mi tokim yu, sapos man i no kamap nupela gen, em i no inap lukim kingdom bilong God." Jon 3:3

God i laik soim yumi ol tok hait bilong em long yumi long yumi ken i go insait long pasin bilong laikim bilong em. Em i antap tru, na i op olgeta.

Man i soim laikim bilong em taim em i save kisim ples bilong pren bilong em na dai long kisim ples bilong em. John 15:13 Jisas baim yumi bek wantaim blut bilong em yet long diwai kruse bilong kalvari.

Laikim bilong God i kamap ples klia long marimari bilong em long kisim bek manmeri long sin na dai. Tude, yu singaut long nem bilong Bikipela Jisas Kraus taim yu go insait long amamas wantaim em.

BENK South Pasifik (BSP) i helpim gen long stretim Meri Seif Haus long Kaugere long ol meri husat i painim hevi long pait insait long haus bilong ol i ken ranawe na hait long kisim helpim na gutpela tingting.

Ol woklain bilong BSP Operesen Stratejik Bisnis Yunit i wok volantia long fri taim bilong ol yet long helpim Living Light Foaskwea Sios long Kaugere, NCD na tu long Haus Ruth long Ela Bis.

Meri husat i bosim intenesenel Operesen, Merolyn Samson i givim ol nupela haus wantaim nupela lukluk long ol lain i bosim Meri Seif Haus long las wik.

"Pasin bilong paitim na bagarapim ol meri em i stap yet olsem bikipela hevi long sosaiti tude, na BSP i luk-save long bikipela wok Meri Seif Haus i save mekim long helpim ol meri husat i painim dispela kain hevi," Mis Samson i tok.

Tripela mun olgeta ol woklain bilong BSP i wasim na penim ol banis bilong haus na ol i helpim kontrakta long wokim nupela hap bilong sindaun malolo na tu, long putim nupela wara tenk.



Meri Seif Haus long Kaugere i gat nupela lukluk. Olgeta lain husat i save wok long en i amamas wantaim BSP woklain na ol polis.

Ol i putim sekyuriti waia banis tu long tupela sait bilong haus wantaim strongpela lok.

BSP i givim tu sampela nupela tebol, sia na ol frisa na masin bilong wasim ol klos.

Meri Seif Haus Kaugere Menesa, Pastor Mary Morah i tok tenkyu long BSP long givim dispela bikipela sapot

long dispela wok.

"Helpim bilong BSP bai helpim mipela long lukautim gut ol meri na pikinini husat i painim hevi long pait insait long haus bilong ol yet," Pastor Morah i tok.

"Long wan wan mun, mipela i save kisim olsem 3-pela meri na lukautim long hia, taim ol i kisim hevi, na i

kam long kisim kaunseling.

Ol i save kisim jenda bes vailens kaunseling na spiritual kaunseling tu, "em i tok.

Dispela projek em i wanpela bilong 37 komyuniti projek we BSP i save mekim long dispela yia aninit long edukesen, helt envairenmen na spot.

Ol komyuniti grup i mas redi long 2015 gem

OL meri grup bilong Nesanel Kapital Distrik i kisim strongpela toktok long ol i mas redim ol yet long painim wanem kain wok ol i nap long mekim long taim 2015 Pasifik Gems i kamap.

Gems Ogenaising komiti (GOC) i tromoi dispela toktok i go long ol meri, bilong wanem taim i wok long ran hariap long go bungim 2015 gems.

Ol meri bilong Hohola NCD Wod 7 Meri Grup, bilong Pot Mosbi i bin kamap wantaim kain kain stail na kala long las wik insait long wanpela awenes miting bilong GOC i givim toksave bilong ol lain insait long komyuniti olsem ol gem i wok long kam klostu nau. Ol meri i kamap wantaim Pasifik Musik na kain kain stail danis tu long bringim spirit bilong ol gems i kam klostu.

Eksekutiv Maketing na Komyunikesen Menesa bilong GOC, Ken Siminji i tok, ol i gat planti kain kain we em ol meri i ken kisim wok na kisim mani. Ol i ken mekim wok olsem klinim ples, kukim kaikai na karim i go long ol gems grup, volantri wok na ol GOC i laikim ol grup i mas redi na wok klostu wantaim ol.

"Gems Ogenaising Komiti i



Ol meri grup bilong Hohola NCD Wod 7 i kama gut wantaim ol kala kala yunipom bilong ol long harim toktok bilong 2015 Gems komiti long las wik.

wok long paitim toktok nau long wanem kain we bai ol i ken yusim ol grup olsem ol Yut na ol Sios grup we ol i stap redi pinis. Mipela i laikim olgeta lain long siti i mas givim han long olgeta kain wok i stap insait long gems. Dispela em i sans bilong yu long kam bung wantaim na soim wanem kain stail wok yu inap long mekim," em i

tok.

Tok i go long ol lain bilong NCD olsem ol i mas sapotim wok bilong Nesanel Kapital Distrik Komisen na ol i mas klinim Pot Mosbi na larim em i stap klin na seif.

GOC i gat plen yet long meki dispela ol toksave na awenes i go bikipela yet long olgeta hap bilong siti na redi long Gems

na long painim we bilong ol i ken mekim wok stret long sapotim 2015 Gems long taim bilong gms na tu bihain long taim ol gems i pinis.

Ol dispela wokabout bilong awenes bai i go tu long ol arapela provins, long givim liklik piska bilong ol gems i go long olgeta hap bilong Papua Niugini.

Bos bilong ol SVD long wol i kam long PNG

“JOINIM ol “Divine Word Missionaries” o ol SVD na lukim wol” em hap tok we kongriksen i save gut long en na we Supiria Jenerel bilong ol SVD long wol, Pater Heinz Kuluke i autim taim em i stori wantaim dispela ripota long las wiken.

Pater Heinz i mekim opisel wokabaut i kam long PNG olsem hap wok bilong em long raun lukim ol kongriksen bilong em i stap wok long samting olsem 80 kantri long wol.

Long wanpela wik wokabaut bilong em long PNG i bin stat long Julai 22 na pinis long de namba 28, Pater Heinz i bin raun lukim ol kongriksen na ol SVD institusen long Hagen, Kundiawa, Goroka, Madang na Mosbi.

SVD kongriksen i gat 6,000 misinari long wol. Long ol dispela, 3,000 em ol Holi Spirt Sister (SSpS) i stap wok long 40 kantri na 340 Adoresen Sister i wok long 22 kantri.

Long PNG yet, i gat 100 SVD misinari i wok i stap na 30 pesen em ol asples PNG lain i wok olsem ol pater, Bruder na ol SSpS Sister.

Pastaim i bin gat samting olsem 300 SVD misinari long PNG, tasol bikos SVD i wanpela intanesenel kongriksen, ol i salim planti i go aut long ol misin ovasis olsem long Saut Amerika, Afrika na ol narapela kantri moa.

Namba wan SVD misinari Pater Arnold Jansen SVD na ol lain bilong em i bin krugutim graun bilong PNG long yia 1907 taim ol i kam sua long Sepik.

Pater Heinz i bilong ples Spelle long kantri Jemeni. Em i bin wok olsem wanpela Ilektrisen long Otomesen Teknologi long sampela yia bipo em i joinim Jerman Eafos long tupela yia. Tasol em i bin laik kamap wanpela misinari na em i joinim ol SVD lain na long 1979, em i go skul long Sen Augustine Seminari long Jemeni. Long 1989 em i bin kamap pater na ol bin salim em i go mekim wok misinari long Filipins we em bin stap wok long 26 krismas.

Em bin wok olsem peris pris long Mindanao Peris na bihain em i kamap wanpela leksera long San Carlos Yunivesiti long planti krismas. Em bin wok long spesel ministri long helpim ol tarangu.

Em bin Provinsal Supiria bilong ol SVD long Filipins taim ol i bin makim em olsem Supiria Jenerel bilong ol SVD long wol long 2012.

Em i gat Masta Digri long Filosopi long Amerika na Doktret long Gregorian Yunivesiti long Rom.



OL SVD PREN: Pater Heinz Kuluke wantaim sampela ol pren bilong ol SVD grup bihain long bung na lotu long welkamim em i bin kamap long SVD Kolis long Katolik Tiolojikel Institut, Bomana las Sande.



WORD STORI: Word Publishing i save kamapim Wantok Niuspepa i hap bilong ol SVD stori long PNG. Hia, Sam Teteret em Menesa bilong Edvataising wantaim kampani na Edministresen wokmeri, Sandra Amuru, i stori wantaim Pater Heinz long taim bilong lans BBQ bihain long Misa lotu long SVD Kolis eria.



MISA LOTU: Pater Heinz long taim bilong misa lotu long SVD Sapel, Bomana. **Oi Poto:** Veronica Hatutasi

“Bikpela salens mi lukim em long skulim ol tarangu long rit na rait bikos edukesen bai kisim man i go fowed long laip.

“Narapela em long no ken akseptim salens olsem samting i kam nating, tasol olsem samting bai strongim wan man long laip na sindaun bilong em,” Pater Heinz i tok.

Pater Heinz i tok em i laik lukim ol komyuniti i sapatim ol misinari wok.

Em i lukim olsem ol pipel i stap long ol kantri, ples na eria we pait i stap long en na tu, ol neturel disasta i kisim bikpela pen na hevi.

Em long ol kantri olsem Sudan long Afrika we i no gat hop na i stap tarangu stret, ol Kristen i karim hevi long kantri Cuba.

Em i tok kantri Filipins i save bikpela hevi long ol strongpela win, ren na guria.

Em i tok ol SVD nau i gat wanpela helpim projek long Filipins we ol i wok long helpim long bildim ol haus bilong ol pipel i lusim olgeta haus na ol narapela samting long ol taipun na saiklon i wok long kamap planti long hap.

I kam inap nau, Pater Heinz i tok ol SVD i bildim moa long 500 haus, na dispela projek bai go het yet.



Yumi mas resis na wok hat long stap insait long Kingdom

LONG tupela Sande i go pinis na dispela wik Sande, Gospel bilong Santu Mathew i stori long Kingdom bilong God i wok olsem wanem.

Jisas i kisim ol liklik samting long glasim wantaim wanpela bikpela samting bai ol i ken wok olsem wanem long pas wantaim dispela bikpela samting.

Dispela ol tok piksa em I wanpela bikpela wok Jisas i laik bringim Spirituel wol long fitim long dispela material wol, bai em i wok na groa olsem wanem.

Dispela Kingdom bilong God long taim bilong ol tumbuna bilong yumi long Olpela Testamenten i hat na ol tumbuna bilong yumi I wok hat tru long painim, tasol i no nap.

Nau, Jisas i putim dispela tok piksa i kam long dispela wol long lukim na wok hat long mekim liklik samting i groa i go bikpela tru long poroman wantaim Jisas insait long Kingdom bilong em.

Olsem long Santu Matyu (13:1-9) Jisas i tok piksa long man i tromoi pikinini wit long gaden. Sampela i pundaun long rot na ol pisin i painim na kaikai olgeta taim sampela i pundaun long hap graun i gat ston we i no gat planti graun long em. Taim wit i gro, rut bilong wit I pas tasol long ston na san i kukm na wit i drai.

Sampela i pundaun namel long rop i gat nil na rop nil i karamapim, na sampela i pundaun long gutpela graun na karim 100,60 na 30.

Dispela tok piksa em Jisas yet em i Kingdom na em i soim yumi ples klia stret. Ol tumbuna lain long Israel i wok hat tasol, i no gat kaikai. Ol i lukluk tasol, ol i no lukim, ol i putim iau tasol, ol i no harim tok na kisim save.

Em nau I gutpela piksa Jisas i givim yumi stret long putim iau na harim tok na kisim save long tok tru bilong em.

Yumi no ken olsem pikinini wit i pundaun long rot na antap long ston na namel long rop i gat nil bilong en. Yumi mas kamap olsem wit i pundaun long gutpela graun na karim planti kaikai.

Tru tumas, Kingdom bilong God i no moa hait olsem taim bilong ol Israel.

Yumi i laki stret yumi lukim kingdom, yumi kisim Kingdom na yumi i stap insait long Kingdom bilong God. Jisas yet em dispela Kingdom ol tumbuna i bin wet long en.

Tasol yumi ol laki lain na Jisas I laikim yumi long wok hat.

Tok yes, na groim tok em i planim pinis insait long laip bilong yumi.

Wanem samting bai yumi mekim na dispela tok tru i groa i stap long yumi wan wan. Hat wok, komitmen, self sekrifais, dedikesen na loyaliti.

No ken mekim ol samting bilong graun i bosim laip bilong yumi, nogat!

Olgeta taim yumi mas pas wantaim lo bilong God na sambai long painim trupela ples.

Tru, planti kain kain birua long dispela graun i traim daunim bilip bilong yumi, tasol sapos yumi luksave long Jisas, bilip na pas wantaim em, em yumi lukim pinis samting tru Jisas i laikim long en.



Ol amiman i karim kofin i gat ol haphap bodi bilong wanpela man i dai long MH17 Malesia balus insait long wanpela seremoni long Eindhoven Eabeis. Foto: ABC

Ol investigeta i lukim moa dai bodi na haphap balus

OL investigeta i lukim wanpela bikpela hap bilong dispela Malaysia Airlines flait MH17 we ol i no bin lukim bipo na sampela moa dai bodi bihain ol i sutim dispela Boeing 777 balus long Isten Ukraine moa long wanpela wik i go pinis.

Ol i makim hap we ol dai bodi i stap longen wantaim waitpela flag, tasol ol i investigeta i no gat ol samting long karim ol dai bodi.

Ol dispela samting ol i lukim i putim strongpela toktok long ol i mas mekim moa wok painim long dispela eria, tasol pait i go het yet long dispela eria namel long ol rebel paitman we Rasia i sapotim na ol soldia bilong Ukraine.

Dispela ol pait i mekim hat long wok bilong ol investigeta.

Mausman bilong Organisation bilong Sekyuriti na Koporesen long Yurop (OSCE), Michael Bociurkiw, i tok dispela hap bilong balus we ol i lukim i bilong wing bilong balus.

Mista Bociurkiw i tok dispela bikpela hap bilong balus ol i lukim long wanpela hap we i gat planti long ol diwai long en.

Em i tok ol windua i stap yet long dispela hap balus.

Mista Bociurkiw i tok ol investigeta i go het long wok painim long eria we het bilong balus i bin pudaun long en.

Em i tok ol investigeta i go het long lukluk gut het bilong balus we ol i lukim dai bodi insait na ol samting bilong ol boskru i stap longen.

OSCE i tok pait i go het yet long dispela hap, tasol ol i no harim pait long las nait taim we ol ekspet bilong Australia na Malaysia i joinim ol.

Praim Minista Tony Abbott i tok 50 federal polis opisa i redi long go helpim long lukautim hap we dispela MH17 balus ibin pudaun.

Ol dispela opisa i stap pinis long London long wetim tok orait long wanpela intanesenel fos long go lukautim dispela Malaysia Airlines kres ples.

Ol bilak bokis we ol i kisim long Malaysia Airlines flait MH17 ol i bin sutim long hap bilong ol rebel paitman long Isten Ukraine i soim hap bilong wanpela roket we i pairap na pudaunim dispela pasindia jet.

Wanpela man i sanap long ples we dispela MH17 balus i bin pudaun i tokaut long dispela taim wanpela lain bilong ol inspekta i traime long namba tu de, tasol i no nap go insait long hap bilong dispela balus i bin pondaun bikos i gat ol pait i go het yet long dispela hap.

Ol infomesen long ol bilak bokis bilong dispela Malaysian Airlines balus, em ol i lukluk long en long Britain bihain ol Malaysian opisel i givim i go long ol. Dispela em bihain ol i kisim long ol opisel long Ukraine rebel paitman husat Russia i sait wantaim ol.

Ukraine Nesenel Sekyuritina Difens Kaunsel

mausman, Andriy Lysenko, i tok ol intenesenel investigeta i ting ol infomesen long ol bilak bokis ya i soim olsem dispela balus i bin pudaun bihain bom long roket ya i pairap insait.

Ukraine na ol poroman kantri bilong en wantaim Australia, i bin sutim tok long ol rebel we i sait wantaim Rasia nau long sutim daun dispela balus we i kilim dai 298 pipel insait na 38 i bilong Australia.

United Nations (UN) i tok sutim daun bilong dispela balus bilong Malaysia Airlines flight MH17 i luk olsem em i wanpela "war crime".

Foren Minista blong Australia, Julie Bishop, i bin toktok wantaim 7.30 program bilong ABC long dispela wik na ol i askim em sapos bai gat wanpela wanpela kriminal investigesen i go insait long painimaut sapos Rasia i givim samting bilong pait long ol rebel paitman husat i sutim dispela balus.

Mis Bishop i tok ol husat lain i sutim daun balus ya bai ol i kisim mekim save long ol.

Em i tok i bikpela samting ol ol famili bilong ol husat i dai i kisim ol ansa, na ol husat i kamapim dispela birual i mas givim ansa long wanem ol i wokim.

Filipins populesen i kamap long 100 milien mak

WANPELA bebi gel we mama i karim long dispela wik i mekim populesen bilong kantri Filipins i kamap nau long 100 milien.

Nupela bebi gel, Jennalyn Sentino, i kisim populesen bilong Filipins long 100 milien mak

Ol atoriti i tok rot we Filipins populesen i kamap long 100 milien i putim ai long ol planti hevi i stap long kantri ya we i stap pua o tarangu.

Dispela pikinini, Jennalyn Sentino, i wanpela long ol 100 bebi ol i i karim long ol gavman haus sik long kantri we i kisim luksave olsem em i namba "100,000,000 bebi".

Juan Antonio Perez, eksekutiv dairekta bilong opisal Komisin bilong Populesen i tokim AFP olsem dispela i sans na tu i salens we kantri i fesim.

Em i tok bikpela populesen i minim olsem planti pipel long mekim wok, na i minim tu olsem planti moa pipel long lukautim long kantri we 25 pesen bilong populesen i stap pua o tarangu.

Mista Perez i tok Filipins i mas painim we long bringim ol sevis i go long ol pua famili na tu, long daunim namba bilong ol pikinini ol mama i save karim.

Samting olsem 80 pesen long ol pipel long Filipins i memba bilong Katolim Sios we i sanap strong egensim ol kainkain atifisell rot bilong stopim ol mama long i gat bel.

Long mun Epril, gavman i abrusim sios na kirapim wanpela lo long statim wanpela riprodaktiv helt lo we i karamapim ol wei bilong stopim ol meri long karim pikinini.



SORI LONG PIKININI: Tupela marit bilong Australia, Angela Rudhart-Dycznski na Jerry Dycznski i bin lusim pikinini meri bilong ol, Fatima long taim Malesia balus i bin kres long Ukraine long Julai 19,2014. Tupela i no wari o pret long ol Ukraine paitman i banism hap, tasol ol i lusim Australia na go long Ukraine long lukim ples we balus i kres na tu, painim bodi long pikinini meri bilong ol. **Foto: AFP**



MEMORIEL: Ausait long Schiphol ples balus long Amsterdam, Nedalens, ol i putim ol dispela memriyel flawa long tingim klostu 300 pipel i bin dai long MH17 balus bilong Malesia i go daun klostu tupela wik i go pinis. Win i bloim pilak bilong Australia namel long ol planti memriyel flawa ol manmeri i lusim Schiphol ples balus. **Foto: ABC**



FAMILI NA HAUSLAIN: Sampela ol famili memba bilong ol lain i dai long Malesia MH17 balus i kisim bas long Schiphol ples balus klostu long Amsterdam long i kisim moa nius na painim ol bodi. **Foto: AFP**



KARIM OL BODI: Ol lain kar i karim ol hap hap bodi long ol lain i bagarap long MH17 balus birua long Julai 19. Ol polis kar i eskotim ol kar long A27 Haiwe long Hiversum, Nedalens we ol ol forensik polis bai mekim ol tes long luksave long wan wan long ol. **Foto: Reuters**



Yu yusim graun orait yu mas

KOMENTRI

baim rent long gavman

Inap tupela wik nau, Dipatmen bilong Lens i wok long putim bikpela notis long ol niuspepa long ol pipel husat i holim Stet Lis bilong graun long NCD tasol i no baim takis o rent bilong graun.


Notis i kam long Seketeri bilong Lens na Fisikel Plening i tokaut olsem bikos ol pablik i no baim rent, mak bilong mani em Lens Dipatmen i mas kisim long rent bilong dispela yia long Mosbi, i abrusim K42milien. Total mak bilong mani em inap long K42,889,389.58.

Dispela i bikpela mani tru na seketeri bilong dipatmen i tok save olsem ol i stat long Mosbi nau na bihain bai i go long ol arapela provins tu. Em i tok Dipatmen bilong Fainens bai helpim ol long kisim mani bilong rent bilong graun.

Dispela notis i kamap long ol niuspepa ating i mekim planti papa bilong ol haus i tingting planti. Laip long Mosbi siti em i no isi. I gat planti salens i stap long sindaun bilong ol famili.

Na ol dispela lain husat i gat haus i mas baset long wan wan yia long baim rent bilong graun i go long Dipatmen bilong Lens na narapela i go long Nesenel Kepitel Distrik Komisnin (NCDC).

Sapos yu gat haus long graun bilong gavman, yu mas baim



rent bikos yu holim Stet Lis bilong graun.

Gavman i papa bilong dispela graun olsem na yu mas baim rent. Haus o bisnis i bilong yu, tasol graun i bilong gavman olsem na i gat ol toktok insait long kontrak bilong Stet Lis.

Yu mas baim rent long wan wan yia i go long Dipatmen bilong Lens na Fisikel Plening. Na yu mas lukautim dispela propeti bilong yu olsem bai velu bilong

em bai i no inap pundaun.

Na long sait bilong NCDC, takis bilong graun em i bilong helpim long kamapim gut ol rot na baret na arapela sevis em NCDC i save givim long ol lain i stap long siti. No gat wanpela samting i fri insait long siti. Yu yusim, orait yu mas baim rent i go long NCDC.

Dispela notis bilong baim rent bilong graun i mekim yumi skelim gen ol haus na liklik bisnis

em ol pipel i save sanapim nabaut long siti.

Plantu ol dispela kain haus i wok long kamap nabaut olsem ol masrum antap long ol maunten. Long san bai yu lukim tasol mak we pipel i digim graun.

Long nait ol i hait olsem stilman na wokim haus. Neks de bai yu kirap nogut long lukim wanpela o tupela haus i sanap. Wankain tru olsem masrum.

No gat man bai salensim papa

bilong ol dispela haphap haus.

Na bihain long sampela mun, bai moa haus i sanap na banisim ples. I no longtaim bai ol pablik i harim nem bilong dispela nupela masrum setelmen bilong Mosbi.

Askim i go long Lens Dipatmen na NCDC – ol kain lain olsem i save baim rent bilong graun tu o nogat? Na em i wok bilong husat tru long sekap long ol na givim rent notis tu i go long ol - NCDC o Dipatmen bilong Lens na Fisikel Plening? Rent bilong Dipatmen bilong Lens em i K975 long wan yia na NCDC i save sasim K679.50.

Ating sapos gavman i smat na mekim wok bilong kisim rent, bai ol masrum setelmen long Mosbi bai i no inap gro hariap.

Ol i wok long bagrapim ai bilong ol pipel na ol visita husat i kam raun long namba wan siti bilong PNG. Dispela wok bilong kolektim rent bilong graun i mas karamapim olgeta manmeri husat i papa bilong wanpela haus o bisnis.

Maski long mekim wansait tasol na singaut long rent mani long ol lain husat i bihainim stret lo bilong Stet Lis, na i no kisim rent long ol lain husat i brukim lo na sanapim nating haus long graun bilong gavman.

Yu yusim graun, orait yu mas baim rent. Dispela lo i mas karamapim olgeta pipel.

Benk bilong ol meri em gutpela nius

OL mama insait long Papua Niugini bai gat benk bilong ol long mun Ogas long dispela yia taim ol i opim nupela benk ol kolim Womens Micro Bank long Mosbi we olgeta mama insait long Mosbi siti na Sentrel Provins bai namba wan lain long kamap memba.

Dispela benk em bilong ol meri insait long Papua Niugini na ol meri ken opim akaun bilong ol wankain olsem ol arapela benk insait long kantri we yumi save gat pasbuk akaun wantaim ol. Dispela benk em bilong ol meri ken putim mani na kisim dinau long helpim ol wantaim wanem kain liklik wok bisnis na projek ol gat i long en.

Long dispela wik opis bilong Wimen In Bisnis (WiB) bin tokaut long dispela nius bilong benk bilong ol mama bai op long mun Ogas ya.

As tingting bilong dispela benk i sanap long klia piksa stret em long givim strong na



helpim long ol mama na ol yangpela meri insait long Papua Niugini. Givim ol strong em long sait we ol i gat liklik bisnis na projek long mekim we ol i ken pilim ol gat strong long baim wanem samting ol laikim. Dispela em pawa bilong mani na ol meri i gat dispela sans long gat mani na benk bilong ol bai sapotim ol long wanem plen na tingting ol i gat.

Womens Micro Bank Ltd bai ran na wok wankain olsem ol bikpela benk yumi gat pinis long Papua Niugini olsem BSP, Westpac, ANZ na planti arapela moa bikos ol kisim pinis laisens bilong mekim wok bilong ol olsem benk o fainensel institusen we ol ken kisim mani long ol

memba bilong ol olsem disposit na widro na givim aut dinau long ol memba bilong ol.

Wanpela bikpela toksave ol bosman na ol bosmeri bilong Womens Micro Bank i tok em olsem, nogat wanpela hevi o salens bai ol meri i bungim taim ol i kam long opim akaun bilong ol. Bai i no gat planti askim o kwesten o planti pepa wok olsem ol bikpela komesel benk save askim. Ol pepa wok bai isi tasol we ol mas gat wanpela aidi kat bilong soim pes na nem bilong ol long en. Dispela bai helpim ol long planti samting long taim ol laik pulapim aplikesen pepa bilong kamap memba bilong benk o opim akaun.

Em benk bilong ol meri na yumi ol man mas amamas long dispela na sapotim ol meri long sait bilong givim ol mani na ol ken go opim pasbuk akaun bilong ol. Em

samting bilong helpim ol long longpela taim i kam bihain we ol pikinini meri na ol susa i ken gat strong bilong ol yet long sanap strong long mekim wok na lukautim ol yet na famili bilong ol tu long bihain taim.

Em i namba wan taim insait long Papua Niugini long kain samting olsem i kamap na em mas kisim sapot bilong yumi olgeta man na ol lidas tu long strongim na larim em mekim wok bilong em kamap gutpela na strong.

Bikpela tok tenkyu i mas go long ol meri husat i go pas long kamapim kain samting olsem we i gat bikpela helpim bilong em long ol mama na ol meri insait long Papua Niugini. Bikpela tok tenkyu i go long bosmeri, Janet Sape long pait strong na wok klostu wantaim ol meri long Papua Niugini na ol lida long kamap long dispela mak.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
Websait: www.wantokniuspepa.com
Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga
Editor
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The publisher reserves the right to accept or reject any advertisement or other material submitted for publication which it deems contrary to the public interest at its absolute discretion. Interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Sospen graun bilong Madang

Isaac Liri i raitim

MADANG Provins long Papua Niugini em wanpela hap insait long kantri we ol pipel i save mekim sospen graun.

Dispela kastom bilong mekim sospen graun em bilong bipo yet long taim bilong ol tumbuna i kam inap nau.

Long namba faiv Melanesian Festival ov Ats na Kalsa, Dorcas Kana bilong Bilbil na Mudures Toba bilong Trans-Gogol i bin stap long soim ol sospen graun ol i save mekim.

Dorcas i bin tokim *Wantok Niuspepa* olsem em i bin karim planti kain kain sospen graun i kam long dispela festival na ol turis i bin baim planti bilong ol bikpela sospen graun.

Ol pipel bilong Bilbil i save mekim tripela kain sospen graun. Wanpela bilong kuk, wanpela bilong putim wara, na wanpela bilong bilas.

Dorcas i tok ol tumbuna bilong em i save mekim tupela kain sospen graun tasol. Bilong kuk na bilong putim wara.

“Taim ol wait man i kam long ples, ol i bin givim mipela nupela save na mipela i stat long mekim ol sospen graun bilong bilas,” Em i tok.

Dispela ol sospen graun bilong bilas em liklik sais, na Dorcas i tok ol manmeri i save yusim dispela kain sospen graun long putim ol flawa insait na mekim haus bilong ol i luk nais.

Long Bilbil ol meri i save go pas long wok bilong mekim sospen graun, tasol long ol bus maunten bilong Madang long Trans-Gogol, ol man i save go pas long mekim sospen graun.

Komyuniti lida bilong ples Barum long Trans-Gogol i tok ol i save mekim sospen graun long treid na long baim meri.

Em i tok ol pipel bilong em i save strongim yet pasin bilong kuk long sospen graun bikos ol i save pilim olsem kaikai we ol i kukim long sospen graun i save swit moa.

“Kaikai yu kukim long sospen bilong wait man i no save swit olsem dispela yu kukim long sospen graun,” em i tok.

Mudures i tok ol lain bilong em i no save kam aut tumas long soim sospen graun bilong ol olsem na planti manmeri long Papua Niugini na long wol i no save long sospen graun bilong ol lain bilong Trans-Gogol.

Em i tok graun ol i save yusim long mekim sospen graun em i wanpela spesol graun we ol i save kisim long bus.

“Graun long namel em i gutpela long mekim sospen graun. Graun long antap na daunbilo em i no gutpela. Mipela i save paitim graun wantaim stik, na mipela i save long



Dorcas Kana bilong Bilbil i soim ol sospen graun bilong em.



Mudures Toba bilong Trans-Gogol i soim ol sospen graun bilong em.

wanem graun i gutpela long mekim sospen graun,” em i tok.

Mudures i tok stail bilong ol long mekim graun sospen em ol tumbuna bilong ol i lainim ol.

Em i tok taim ol i mekim sospen graun, ol i save stap 7-pela mun bihain ol i kukim graun sospen long mekim i strong na redi long yusim.

Em i tok long kastom bilong ol, ol i

save mekim sospen graun bihain long 10-pela yia. Em i tok dispela em i kastom bilong ol olsem na ol i save bihainim.

“Ol tumbuna bilong mipela i skulim mipela olsem i gat sisen bilong mekim sospen graun, na mipela i save bihainim dispela sisen,” em i tok.

Em i tok sapos yu no bihainim sisen, sospen graun bilong yu i no

inap long kamap gut.

Ol man long Trans-Gogol i save sanapim haus bilong mekim sospen graun. Na taim ol i mekim sospen graun long dispela haus, ol i save tok tambu long ol man nating i go insait long dispela haus.

“Ol man husat i gat save bilong mekim sospen graun tasol i save go insait long dispela haus,” em i tok.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skeim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afeas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Ol yangpela meri putim kala long Polis Ben

Nicky Bernard i raitim

POLIS Ben bilong yumi long Papua Niugini i gat bikpela nem long ol narapela kantri. Taim ol i pilaim musik bilong ol long ol narapela kantri, krai bilong em save pulim iau bilong planti pipel.

Polis Ben i no nau tasol ol i kamapim nogat. Ol i bin kirapim bipo long yumi i kisim Indipenden na, nau ol i go strong na strong moa yet.

Planti bilong ol dispela lain i kamapim dispela polis ben i dai pinis, na ol nupela polis man husat save long musik na pas aut i go na strongim yet dispela ben.

Long yia go pinis na dispela yia planti long ol yangpela meri i bin joinim ol na lainim musik bilong ben. Na dispela em i mekim kala liklik long dispela bek nem Polis Ben bilong

yumi. Planti bilong ol dispela yangpela meri em ol pikinini bilong ol polis manmeri yet. Ol papamama bilong ol i salim ol i go lainim musik bilong Polis Ben na kamap ol nupela rikrut bilong ben.

Nau long bikpela seremoni na Polis Ben bai go pas long musik o mas bilong ol, bai yu lukim olsem ol ben i kala ful stret wantaim ol meri wantaim ol musik instramen bilong ol.

Ol polis woda tu i gat sampela meri husat i save pilai dram long paip, na dram bilong ol, tasol nau ol i no save kam aut tumas long pilai na mas.

Tru tru ol polis ben i save karim nem bilong kantri bilong yumi wantaim musik na mas bilong ol. Ol i no raun tumas long ol narapela provins yet insait long PNG, tasol bai gat taim ol bai kamap na bai yu lukim olsem truru ol meri i mekim senis long Polis Ben.



Polismeri Naumi Wilfred wantaim flut bilong em redi long mas wantaim ben bilong em. **Poto Nicky Bernard.**

EMTV Television Guide

FONDE JULAI 31, 2014	8:00 PM G RESOURCE PNG Ep#27 Join our EMTV Team, as they bring to you news, interview and highlights on the Mining Industry.	09:00 am G CLASSROOM BROADCASTS	9 HIGHLIGHTS	5:30 PM G OLSEM WANEM EP#28
4:30 AM G AUSTRALIAN NETWORK	8:30 PM G SOKA XTRA EP#221	3:30PM G KIDS KONA HI 5 S11 EP#32/43 TBA PYRAMID S3 EP#27/68 THE SHAK S4 - EP#50/66	12:30 AM G EMTV NEWS REPLAY	6:00 PM G EMTV NATIONAL NEWS
5:00 AM G JOYCE MEYER 1089-4	8:40 PM G GAME ON - EP#6	5:30 PM G SKIPPY - LYRE BIRD Sonny makes a new friend, Lisa, who is a ballerina. Together they find an aged botanist, and bring about his rescue.	01:30 AM G COMMONWEALTH GAMES - LIVE	6:30 PM G 2014 NRL - ROUND 21
5:30 AM G EMTV NEWS REPLAY	9:30 PM COMMONWEALTH GAMES - DAY 8 HIGHLIGHTS	5:55 PM G CRIME STOPPERS	SARARE OGAS 2, 2014	8:30 PM G 2014 NRL - ROUND 21
6:30 AM G TODAY	10:00 PM PG NRL FOOTY SHOW Ep#22	6:00 PM G EMTV NATIONAL NEWS	4:30 AM G AUSTRALIA NETWORK	10:30 PM G 2014 NRL - ROUND 21
09:00 am G CLASSROOM BROADCASTS	11:30 PM PG NEWS REPLAY	7:00 PM G IN MORESBY TONIGHT - Ep#2014/27	6:00 AM G EMTV NEWS REPLAY	ROOSTERS vs. DRAGONS
3:30 PM G KIDS KONA HI 5 S11 EP#31/43 MAGICAL TALES S3 EP#47/47 "FI NALE" PYRAMID S3 EP#26/68 THE SHAK S4 - EP#49/66	12:30 AM G COMMONWEALTH GAMES - LIVE	7:30 PM G 2014 NRL - ROUND 21 BULLDOGS vs. PANTHERS	7:00 AM G IN HIS STEPS EP#28	00:30 AM G COMMONWEALTH GAMES - DAY 10 HIGHLIGHTS
5:30 PM G LOVE PATROL SEASON 6 - EP#10/10 "Finale"	FRAIDE OGAS 1, 2014	9:30 PM G 2014 NRL - ROUND 21 SEA EAGLES vs. BRONCOS	7:30 AM G AUSTRALIA NETWORK	01:30 AM G EMTV NEWS REPLAY
6:00 PM G EMTV NATIONAL NEWS	4:00 AM G AUSTRALIA NETWORK	11:30 PM G COMMONWEALTH GAMES - DAY	8:30 AM G SKILLICIOUS S1. EP#4/7	02:30 AM G COMMONWEALTH GAMES - LIVE
7:00 PM G RAIT MUSIK EP#222	5:00 AM G JOYCE MEYER 1089-5		9:00 AM G DANI'S HOUSE S1 EP#4/12	SANDE OGAS 3, 2014
	5:30 AM G EMTV NEWS REPLAY		9:30 AM G ULTIMATE GUINNESS WORLD RECORDS - EP#21/52	3:30 AM G AUSTRALIA NETWORK
	6:30 AM G TODAY		10:00 AM G LOVE PATROL S6 - EP#10 Rpt -	6:30 AM G EMTV NEWS REPLAY
			10:30 AM G SKIPPY - Lyre Bird Rpt.	7:00 AM G HILLSONG
			11:00 AM G AUSTRALIA NETWORK	7:30 AM G AUSTRALIA NETWORK
			2:30 PM G QRL INTRUST CUP - ROUND 21 PNG HUNTERS vs. NORTH DEVILS	

TORO



BIABIA



KANAGE



SUDOKU

8 5 4 1 3 2 9 6 7
2 3 7 5 9 6 4 8 1
9 6 1 4 7 8 3 5 2
3 8 2 9 6 7 5 1 4
7 4 6 8 1 5 2 3 9
1 9 5 2 4 3 6 7 8
4 7 9 6 5 1 8 2 3
6 1 8 3 2 4 7 9 5
5 2 3 7 8 9 1 4 6

Ansa bilong las wik Sudoku # 54

Grid for Ansa bilong las wik Sudoku # 54

Ansa bilong Sudoku # 55 neks isu

S O L W A R A
S O P B O I S
I M A N U S B I
S I A S B R A
S A M D I A
R K I E S T A
A M I I T I A
M I S S T A S O
U S S I M A U S
A T M T E K S I
A S B I N A

Ansa bilong las wik krowod, isu # 2081

12 13 14 15 16 17 18 19 20 21 22
23 24 25 26 27 28 29 30 31 32 33
34 35 36 37 38 39 40 41 42 43 44 45
46 47 48 49 50 51 52 53 54 55 56
57 58 59 60 61 62 63 64 65 66 67 68
69 70 71 72 73 74 75 76 77 78 79 80

KROWOD

- Antap 35 Strongpela metal 63 Pilai dais 5 Namba tri mun 39 Dring wantaim 65 Bet bilong ol bebi
1 Skelim 37 Sanapim long ai bilong kot 64 Save ran long rot 6 Klia i go! 40 Ples long Saten Hailans 67 Ami bareks long Lae
6 Han sut 41 Wankain 66 Yu tasol! 7 Bihain long wan 42 Mak bilong kompas 70 Nem bilong meri
8 Ai wara pundaun 42 Man o meri i save 68 Ples bilong slip 9 Kaikai bilong ol Asia 43 Ples bilong tretim nil 71 Bilong memeim kaikai
12 Riva long Enga 44 Bilong opim tin 69 Ples we wara i ran 10 Stretim klos wantaim ain 73 Kastom hat bilong Bogenvil
13 Meri bilong Abraham 46 Anis long tok Inglis 72 Nais 11 Pasin bilong kontrolim pawa 78 Mak bilong kompas
14 Wara kol na kamap strong 47 Belt 74 Wankain olsem 64 16 Banisim 45 Wak bilong ol memba bilong palamen
15 Mangalim 48 Ples long Sandaun 75 Switpela kaikai ol i kukim long aven 47 Likwifait Netural Ges
17 Bris long Lae 49 I kamap 76 Yunivesiti 18 Politikal Pati 49 I gat sevenpela long wan wik 54 Wara bilong kaikai i tan pinis
18 Sempian PNG swima 50 I kamap 77 Pulap 21 I no tait moa 55 Bilas bilong het 59 Devil
19 Samting bilong pait 51 Ples we san i kamap 78 Holi 22 Yau 54 Wara bilong kaikai i tan pinis
20 Begin 52 Taim pawa i stap olsem 80 Lotu de bilong ol SDA 24 Bihain tru 25 Tupela bilong lukluk
21 Ol enimal bai masin i wok 81 Prut i gat planti wara 26 T siot 29 I no wanbel 31 Pulim strong 32 Bilip
23 Stik bilong makim lain 53 I no hatwok 82 Benk long PNG Daunbilo 1 Mira 2 Sindaun bilong yu 3 Kaikai bilong ol Tolai 4 I no hatwok
26 Tait 57 Kontena we ol i putim kaikai insait 1 Mira 2 Sindaun bilong yu 3 Kaikai bilong ol Tolai 4 I no hatwok
27 Melanesian Alaiens Pati 58 Ples long Oro Provins 59 Birua pis bilong sol wara
28 Namba faiv mun 59 Birua pis bilong sol wara
30 Ples i tudak
33 Krim bilong kokonas

EMTV Television Guide

Table with columns for time slots (8:30 AM to 12:00 AM) and program titles (BUSINESS PNG YR.3, TOTALY SPIES, OLSEM WANEM, etc.)

OI Progam na Kilok i ken tenis oltaim...

Ol poto long stap bilong PM Peter O'Neill na Foren Afeas Minista, Rimbink Pato long PIF miting long Palau



OL LIDA i BUNG: Ol Pasifik Ailan lida i bung long Pasifik Ailan Lidas Forum i kamap long Majuro, Palau long Maikronesia. Praim Minista Peter O'Neill na Foren Afeas Minista Rimbink Pato i makim PNG long dispela bung.



WANSOLWARA PREN: Praim Minista bilong Niue, Toke Talagi i bung wantaim Praim Minista Peter O'Neal, Foren Afeas Minista Rimbink Paton a ol arapela lida moa.



GUTPELA POROMAN: Praim Minista Peter O'Neill i amamas long bungim na sekanim Foren Minsta bilong Nu Silan, Murray McCulley long Palau we ol i stap nau long Pasifik Ailan Forum miting. Ol Poto: PM Midia Yunit

Raun wantaim Kanage olgeta wik

'About three weeks ago!' Lapun Kanage em bilong Salamaua long Morobe Provins. Wanpela moning em i go limlimbur long Voco Poin nambis long Lae. Em lukim wanpela waitman wet i stap long kisim bot i go long Salamaua. Waitman ya i no save long hamas aua bai bot kisim long go kamap long Salamaua, olsem na em askim Kanage, "Excuse me, how long does it take to travel from Voco Point to Salamaua?" Lapun Kanage bekim, "About three weeks ago!" Waitman ya laik lap tasol em strongim bel na askim em gen, "Sir, I am not asking about the days, but the time?" Em nau Kanage tok, "About one long wan!"



waswas long wara Sepik, teil bilong pukpuk bai strong moa! Em bai wokim baret i kam long Ramu wara!" Meri Markham ya singaut, "Turu ya!" Tok pisin em Kanage ya.

Maifo Mahn Buvussi2,

Mi tasol na yu stap orait
KANAGE tokim liklik pikinini bilong em long go baim mutrus bilong em na pikinini tok em i les. Em nau Kanage belhat na kirap paitim em. Meri bilong Kanage harim pikinini kraik na em i siksti kam ausait long haus na askim Kanage. "Kela bun bun, yu paitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat

olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabaut i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok man na karim dispela yau pas pikinini ol i save kolim hapkas dok na sipsip.


Wau-Bulolo Morobe

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD,
Port Moresby.
Email:
jwilson@wantok.com.pg

Wanem samting bai kamap long mi sapos mi feilim Gret 10 tes?

Dia Laipain

MI WANPELA Gret 10 sumatin i skul long wanpela hai skul long ples. Na mi wok long stap wantaim amamas tingting olsem bihain mi pinisim Gret 10, bai mi skruim skul i go moa o, mi bai painim wok.



Tasol sampela tisa bilong mipela i tokim mipela olsem i no olgeta bai go long sekonderi skul level. Na tu, no inap long kisim wok.

Mi wok long tingting planti olsem, watpo ol tisa i wokim dispela kain toktok long mipela. Sampela long mipela i wok long mekim gut long skul wok na ausait tu long klasrum eria.

Dispela ol kain toktok i wok long mekim mi les na daunim ol driman bilong mi long samting mi laik mekim long bihain taim bilong mi. Bai mi mekim wanem samting long daunim ol kain toktok we ol tisa i mekim?

Frustrated Student Dia Pren

M i luksave long wari yu gat long bihain taim bilong yu. Ol toktok we ol tisa i mekim long sampela sumatin i no inap skruim skul i go moa o i no painim wok taim ol i pinisim Gret 10 i tru. Tasol ol i wokim

dispela long givim yupela strong na yupela i ken wok strong na mekim gut long ol skul wok na stadi bilong yupela.

Tasol long PNG na long ol narapela kantri, yum as wok hat long kisim wok we bai lukautim yu gut long bihain taim. i nogat promis olsem olgeta sumatin bai kisim wok bihain ol i pinisim skul bilong ol.

Sapos yu kisim gutpela mak long skul, bai yu gat gutpela sans long skruim skul na long painim wok tu.

Sapos yu gat tingting olsem yum as kisim spes long go long Nesanel Hai skul, i moabeta yu wok hat moa na kisim ol gutpela mak. Yu wokim ol dispela, bai yu gat gutpela sans long skruim skul o kisim wok long bihain taim.

Mipela i luksave olsem em i tingting bilong planti pipel long man i go long skul i mas kisim wok. Dispela i tru, tasol bai yu lukim olsem i no olgeta sumatin inap long kisim wok.

Sampela i save kamap ol misinari, ol narapela i kamap ol fama o fisaman taim ol narapela i kamap ol

bisnis man na kain olsem.

Sampela sumatin bai go bek na helpim ol lain long ples i kamapim gut laip bilong ol, bihainim ol samting ol i lainim long skul. Ol i stap amamas na i gat gutpela laip. Wanpela samting tasol em ol i nogat ol samting i kam long ausait wol long mekim ol i laip bilong ol.

I moabeta yu kisim ol dispela toktok olsem salens na noken wari. Kisim strong na wok na stadi hat. Taim yu stadi hat, bai yu gat gutpela sans long skruim na painim wok bihain yu lusim skul. Tingim, i gat gutpela samting long man i hatwok na long ol lesman tu (Galesens 6:7)

I moabeta yu lukim gaidens tisa bilong yu o klas petron long kisim sampela gutpela na kliapela toktok.

Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

Singapore laikim pis bilong PNG

...PNG i ken lainim planti samting long Singapore

Stanley Nondol i raitim

PAPUA Niugini i gat planti risos na i ken pren strong wantaim ol bikpela kantri long wol i gat nem long bisnis. Tasol PNG gavman, bisnis na ol pipel i no gat koneksen long putim PNG long maket.

Dispela i kamap ples kliat taim Minista bilong Tred Komes na Indastri, Richard Maru, i go long Singapore na holim miting wantaim Tred na Komes Minista bilong hap.

Minista Maru i tok em i kirap no gut long harim long wanpela bikpela kampani long Singapore i gat laik long kam long PNG na baim 1 milien tinpis long wan wan mun.

Taim Mista Maru i harim dispela, em tok orait long ol deligesen bilong dispela

kampani i ken kam long kantri long 3-pela wik taim.

Minista Maru i tok taim ol i kam bai em i konektim em wantaim ol pis kampani long kantri.

Em i tok, Singapore em i stap long getwe bilong wol, tasol PNG i no bin gat wok bung wantaim ol.

Mista Maru em i namba wan minista bilong PNG long holim miting wantaim gavman bilong Singapore.

Minista Maru i tok PNG gavman i gat bikpela laik long wok bung wantaim ol praivet sekta long gro, strongim na kirapim prensip wantaim ol praivet sekta bilong Singapore.

Em i tok Singapore em i stap long getwe bilong Asia na wol. Em i bin develop long ted wol kantri i go long strongpela ikonomi long wol. Na em i sanap strong long taim Asia i gat bikpela

hevi bilong mani.

"Dispela em i bikpela samting yumi mas lukim Sinagapore i save gat planti kaikai em i kisim long Malaysia. Singapore tu i no gat naturel risos olsem PNG". Mista Maru i tok.

"Singapore nau em riji-nol na wol hetkwata bilong ol planti bikpela malti laterel kampani na em i wol lida long planti eria olsem koporet gavanens, tred na invesmen, lo na oda, turisem, hospiteliti na planti moa." Mista Matu i tok

PNG i kisim ol sevis long Singapore long foren dairek invesmen, sels bilong ol egrikalsa prodak, timba, piseri na ol arapela.

Singapore em i gutpela treding kantri long wol bikos ol i no gat ol naturel risos. Em i save baim ol kaikai na wara long ol nara-pela kantri.

Westpac tokaut long ol wina bilong edukesen gren

Lynette Boas i raitim

WESTPAC benk, long dispela wik i tokaut long ol wina bilong Westpac 'Wimems Edukesen gren bilong displea yia 2014. Displa em i gutpela program a na i givim sans long ol meri long kisim helpim ol nidim long surukim edukesen bilong ol.

Dispela yia em i raun namba 5 we Westpac i givim tripela edukesen gren olgeta insait long PNG. Benk i bin givim aut olsem 44 gren insait long Pasifik rijon.

Westpac wimen edukesen gren i save givim fainensel helpim long ol praimer, hai skul o sekendri skul gel o meri husat i stadi long ol bikpla koles na yunivesiti o husait i wok na i laik go bek long skul.

Ol jas i bin makim ol pepa bilong ol aplikesen husat i bin bekim gut ol askim olsem; *Sapos yu bungim ol*

3-pela impoten nid bilong ol meri na ol gels, em ol wanem nid na bilong wanem?. Ol ansa i bin beis long wei ol meri i bin givim ol strongpela tingting long sait bilong ol hevi olsem sekyuriti na helt sait bilong ol. Na ol i tokaut tu long rot ol inap kisim long stretim sindaun bilong ol meri sapos ol tu i stap long tebol bilong mekim disisen.

Westpac PNG Menesing dairekata, Geoff Toone i tok, "mipela i bin kisim ol gutpela bekim tru long dispela raun. Tasol mipela i bin makim ol dispela tripela wina bihainim rot ol i tokaut wantaim bel na lukluk bilong ol long ol hevi we ol pikinini meri na meri i wok long bungim long dispela taim. Ol tripela wina bilong displa yia em; Miriam Ephraim Laman, Hannah Safi na Nira Michael Lemab. Wan wan bilong ol i bin kisim K6000.00 gren.

Mista Toone i tok, "Taim mipela i bin start longpfaim edukesen gren long yia 2011, i gat moa long 200 pela meri na ol gels insait long rijon i bin wok long i stap long ol skul bihaimim dispela fainensel inklusen helpim i kam long Westpac."

Long ol meri na ol pikinini meri yet, dispela i no bilong kisim gutpela save tasol, em i bilong apim spirit na strongpela bel kirap bilong ol tu. Ol meri na ol pikinini meri i gat rait long kisim save wankain olsem ol boi na man.

Mista Toone i tok amamas igo long ol wina na tok tenku igo long ol arapla husait ibin salim ol

"Mipela i bilip olsem, dispela education gren bilong Westpac inap helpim yu long go moa yet long kisim moa save na kamapim gutpela sindaun bilong yu yet long bihain taim," Em i tok.

PNG bai putim tred fe long Singapore

Stanley Nondol i raitim

PNG gavman i plen long putim wanpela tred fe long Singapore long opim rot bilong invesmen long ol bisnis long Singapore.

Minista bilong Ted, Komes na Inadastri, Richard Maru i tokaut long dispela wik, taim em i kam bek long wanpela bung bilong em wantaim Singapore gavman.

Minista Maru i tok Singapore i gat bikpela koneksen long tred na em i lida long wol.

Em i tok O'Neill Dion gavman bai kisim namba wan step long putim bikpela tred fe long mun Oktoba, 2014.

Dispela bai opim rot long PNG i ken kamap pren wantaim Singapore na pulim planti ol bisnis invesmen i kam insait long kantri.

Mista Maru i tok Tred Minista bilong Singapore i tok

pinis long sapatim dispela bung.

Em i tok PNG gavman bai putim kantri long maket long dispela bung na pulim invesmen long planti hap long wol i kam insait bikos Singapore em i ples we ol bikpela bisnis long wol i save bung. Invesmen Promosen Atoriti (IPA) bai go pas long dispela bung. Ol bai tokaut long ol program long bihain taim.

Mista Maru i tok em bai askim Praim Miista, Peter O'Neill, long opim dispela Semina na Tred Fe. Na em i ken yusim dispela sans long holim bai leterel tok wantaim Praim Minista bilong Singapore.

Em i tok dispela bai givim sans long PNG i ken bildim faundesen bilong nupela na strongim prensip namel long tupela kantri.

Mista Maru i tok, Singapore i gat gutpela pablik sevan na i gat laik long

givim trening long ol pablik sevan bilong PNG.

Singapore tu bai salim wanpela 'heart team' ol dokta bilong lain i gat sik long lewa long mun Oktoba. Ol dispelalain i tok ol i gat laik long helpim PNG long sekenderi helt ker long laip stail disis. Singapore i gat bikpela save man na in gat nem long stretim dispela sik.

Minista Maru i tok insait long tripela de em i stap long Singapore, planti ol investa i tokim ejm olsem ol i gat laik long invest long kantri. N aliakim PNG gavman long stretim rot long ol, bai invest.

Mista Maru i tok invesmen bilong kantri wanataim Singapore gat bikpela sans long PNG i ken kisim helpim na groim ikonomi sapos gavman i opim rot long ol bisnis, pipol na gavman bilong PNG i go pren wantaim Singapore.



Ol pipel bilong Bank komyuniti long Midel Ramu Distrik, Madang wantiam ol lain bilong EU, na Wol Visen sanap klostu long balus. Foto: Wol Visen Komyunikesen - Paula Kari

2014

MT HAGEN CULTURAL SHOW

AUGUST 16-17

PORT MORESBY 2015 XV PACIFIC GAMES
PAPUA NEW GUINEA
OFFICIAL CARRIER

K1,399*

PER PERSON
TWIN SHARE
*Conditions apply

INCLUSIONS

- Return airfares - Port Moresby to Mt Hagen
- 2 nights accommodation
- Return airport and show transfers
- All taxes and surcharges

NOTE

Show Tickets available at the gates

Experience this memorable and colorful cultural event!

Call toll free on
180 2121

or email: tours@airniugini.com.pg
for more information



Woklain long Ramu NiCo i kisim Supavaisa Skills Trening

TRENIM na kamapim moa save wantaim ol gutpela skills i go long ol woklain bilong Ramu NiCo em wanpela impotent eria we i bai kamapim wok prodaksen long Ramu Nikel/Kobalt Projek igo bikpela na Ramu NiCo i luksave long dispela.

Ramu NiCo i luksave tu olsem ol woklain bilong em i impotent tru na ol i ken mekim kamap dispela nikel projek igo bikpela na kamapim bikpela win moni bilong kantri na ol stekholda tu. Long dispela as tingting, Ramu NiCo i bin kisim wanpela trening kampani long we i gat planti luksave long trening bilong ol supavaisa na menesa i kam long Ramu NiCo na kamapim wanpela trening.

Dispela kampani em SITE Skills Training bes long na i bin kamapim wanpela wok trening Supavaiseri Skills i go long 60-pela wok lain bilong Ramu NiCo Projek insait long 14-pela dei.

Ol tim lida, supavaisa na ol man igo pas long wanwan seksen bilong Basamuk Rifaineri na KBK i bin stap long dispela trening. Basamuk Rifaineri i kamapim trening long Julai 21 igo Julai 26 na 40-pela wokman i kamap. KBK Main i kamapim trening long dispela wik Mande i go aste Trinde Julai 30 na 20-pela wok lain i kamap.

Dispela trening em kamap ananit long stendet na luksave bilong na i kamap wantaim tupela modules o unit. Wanpela em long hao bai ol wok lain i menesim wok sefti long sait o wokples na narapela em long wei bilong kamapim eksen plen na moniterim ol wok long stat i go long pinis bilong en.

"Ol infomesin insait long dispela unit em i karamapim ol wei bilong supavaisim ol operesin long sait na wok ples long ol risos na infrastraksa industri," SITE Skills Trening Menesa na man i go pas long trening, Laurie Wine i toktok.

Ol woklain husait i kamap long dispela trening i lainim ol plenty samting ananit long ol bikpela het toktok olsem: hao long menesim wok ples o sait sefti, long komyuniket o toktok wantaim ol wokman olgeta taim, glasim na stretim ol birua kamap nau na bai kamap bihain, kontrolim ol wok program na kaikai bilong em i mas kamap, kodinetim wok bilong tim na kamapim na lukautim ol rekot.

"Ol infomesin long dispela unit em gutpela bilong ol woklain husait i su-

pavaisim ol wok or ol teknikal spesialist insait long wok ples olsem long kol main, sivil konstraksen, drilling, extrektip industri na ol wok maining," Mista Wine i tok.

Mista Wine i tokim ol wokman kamap long trening olsem ol supavaisa na man i go pas long maining wok o sivil konstraksen sait i mas kamapim ol komplaiens or bihainim pepa wok stret long yusim stret ol trupela gaidlain long kamapim wok bihainim lo na polisi bilong kampani.

"Mi painim dispela trening i helpim mi stret long wok bilong me olsem wanpela man i go pas long seksen na laik rekomendim olsem wankain trening mas kamap long dispela trening kampani long kamapim moa trening na skills," Robert Peter, wanpela wokman long High Pressure Acid Leaching long Basamuk Rifaineri i tok.

Ol wokman long KBK Main husait i kamap long trening i hamamas tu long dispela trening we i kamapim na kliarim tingting bilong ol long kamapim wok stret bihainim sefti na lo wantaim polisi bilong kampani.

"Kain trening em helpim mipela bikos em i kisim stret wok expiriens bilong mipela na tu givim mipela nupela skills na save long hao bai mipela kamap gutpela na strongpela supavaisa na lida."

"Dispela kain trening bai givim moa skills long Papua Niugini woklain na dispela bai helivim ol long wok bilong ol gut na bihainim bai opim rot long ol i ken painim gutpela wok long narapela hap," Main Surveyor long KBK Mine, Peter Aragaina i tok.

Prodaksen Menesa bilong Basamuk Rifaineri, Jia Luping i tok kopret HSE dipatmen i luksave long gutpela bilong dispela kain supavaiseri skills trening na i go pas long mekim kamap dispela trening i kamap gut.

"Planti nesinel woklain i yusim dispela sans trening na kamap long kisim gutpela na bikpela ol skills na ol save we bai helivim ol long wok na bihainim taim wok bilong ol tu."

"Ramu NiCo i bai go pas na kamapim moa kain ol skills trening bilong ol woklain na ol nesinel woklain tu long divolopim na kamapim gutpela na strongpela wokfos bilong kampani we bai bihainim tru spirit bilong sefti na bai kamapim gutpela wok long kirapim bikpela dispela Projek na tu ol kain skills bai kamapim save bilong ol Papua Niugini wokman i go bikpela," Mista Jia i toktok.



Ol nesinel wokman long KBK Main husait i stap insait long trening.



Trenin long KBK Main.



Treina, Laurie Wine i go pas long trening long KBK Main.



Ol woklain long Basamuk Rifaineri husait i stap insait long trening.

Ol KBK Main woklain husait i stap insait long trening.

RAMU NICO

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komuniti'

Madang na Midel-Ramu distrik bai kisim K2 milien long kakao divelopmen

James G. Kila i raitim

MADANG na Midel-Ramu distrik long Madang provins em tupela long 6-pela distrik insait long PNG we bai kisim mani helpim i kam long nesanel gavman em PNG Kakao Bod bai yusim long helpim ol fama insait long kantri.

Ol arapela distrik long kantri em Yangoru na Maprik long Is Sepik na Gazel na Pomio long Is Nu Briten provins.

Agrikalsa Minista, Tommy Asik Tomscoll i tokaut long dispela mani helpim bilong nesanel gavman taim em i toktok long ol pipel bilong em long Midel Ramu i no long taim i go pinis.

Mista Tomscoll i tok stat long dispela yia, nesanel gavman bai givim K2 milien olgeta yia inap long 2017 long strongim wok bilong kakao insait long ol dispela 6-pela distrik long kantri.

Minista Tomscoll i tok wan wan long ol dispela 6-pela distrik long kantri bai kisim K2 milien long wan wan yia long karimaut kakao divelopmen wok na projek.

Em i tokaut olsem namba wan hap bilong dispela K2 milien i kam long nesanel gavman em ol i peim pinis na wok i stat pinis long wokim ol kakao neseri long ol dispela 6-pela distrik.

Mista Tomscoll i tok namba wan kakao neseri long Midel-Ramu distrik em ol bai putim long Pasingkap long Arabaka lokal level gavman (LLG) eria.



Bikpela kakao neseri bilong PNGCCIL long Murunas I save givimaut ol sid we I no gat sik kakao pod bora (CPB). *Poto: James G. Kila*

Em i tok ol i makim Pasingkap bikos bai i gat rot i go long hap, we konstraksen wok i stat pinis.

Mista Tomscoll i tok Nesanel Gavman i luksave long kakao olsem bikpela samting we i ken bringim bikpela helpim long sait long mani i kam long sapotim ikonomi bilong kantri olsem na bai givim subsidi long sait long trenspot long helpim ol fama insait long kantri.

Minista Tomscoll i tokaut tu olsem kakao trenspot subsidi we mani mak bilong en em K7.5 milien em nesanel gavman i peim pinis bilong dispela yia. Dispela subsidi bai go het inap 2017.

Mista Tomscoll i tokaut tu olsem Midel Ramu i kisim pinis wanpela kakao eksport laisens we bai lukim distrik i salim kakao bilong en i go stret long ovasis maket.



INVESTMENT TOKTOK with MICHAEL BLOCK

Nambawan Super bin senisim invesment blong em o nogat?

Sapos yu gat sampela askim, plis salim kam long toktoksuper@nambawansuper.com.pg na mipela ken bekim.

Nambawan Super i gat gupela na bikpela invesmen potfolio long Papua Niugini.

NSL inves klostu long 4.2 bilion kina makim ol membas bilong em. Em sanap olsem namba tri long kes na gavman bon, namba tri long ol PNG kampani na namba tri long ol propeti na ovasis asets.

NSL i wok long investim mani bilong ol membas bilong em long longpela taim na kainkain invesmen olsem olsem save stap wanpela longpela taim. Olsem na ol NSL memba bai mekim gut olgeta taim bikos potfolio i gat ol miks invesmen.



Mak bilong mani NSL save putim go long wanwan invesmen long longpela taim em ol kolim Stretjikk Aset Alokesen ("SAA") o Invesmen Stretjikk. Tasol sampela taim kondisen o senis save kamap na NSL ken mekim sampela senis long invesmen pien bilong em.

Taim ol invesmen i save kos bikpela mani tumas o i gat hevi long en, NSL save lukluk long putim liklik invesmen tasol long dispela aset. Dispela em long banisim gut potfolio.

Long narapela sait sapos invesmen inap kamapim gupela mani o risal, Nambawan ken putim liklik moa mani go insait long dispela aset grup.

PNG Gavman Bon em gupela piksa.

Gavman Inskraib Stok (G.I.S) em gupela invesmen we i stap nau long PNG na mak bilong interes i wok long go antap na mekim em i gupela moa long bisnis. (lukluk daun)



Wantaim ekstra mani i kam long gavman bon, NSL i wok long putim mani bilong ol membas bilong em go long dispela gupela invesmen we mani i ken stap gut.

Tok tru em NSL bin kisim 16.40% long wanwan yia taim em bin baim gavman bons we dispela bai go olsem inap 2031. Baim gavman bon long bikpela interes reit em gupela wei long lukim olsem ol NSL membas gat gupela mani long ritaiamen savings bilong ol long bihain taim.



Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIKPLA, GUTPELA, I SEIF, STRONGPELA NA I STAP NAMBA 1



PLATINUM SPONSOR POWERING THE 2015 PACIFIC GAMES



TOK LUKAUT IGO LONG OL PIPOL I YUSIM PAWA

YUSIM GUT PAWA NA WARA BIKOS LEVEL BILONG WARA LONG SIRINUMU DEM EM IGO DAUN

- OFIM OLGETA LAIT, FEN, EA KONDISEN NA OL ARAPELA SAMTING WE I SAVE WOK WANTAIM PAWA, TAIM YU NO YUSIM.
- YUSIM WARA TAIM YU NIDIM TASOL.
- PASIM GUT OL TEP WARA.
- NOKEN YUSIM RABA HOS LONG WASIM KAR O WATARIM GADEN



ENB gat gutpela sistem bilong ragbi lig

OL referi, kosa, edministrata, na ol arapela ragbi lig manmeri long Is Nu Briten (ENB) provins i gat strongpela tingting long mekim provins bilong ol i kamap wanpela provins long i go pas long wok bilong divelopim ragbi lig insait long kantri.

Dispela strongpela toktok i kam long Dairekta bilong Niugini Ailans long Papua Niugini Ragbi Futbol Lig (PNGRFL) bod, Horta Boskey, wantaim ol arapela opisa bilong PNGRFL.

Dispela toktok i bin kamap long woksop bilong ol kosa na referi long Kokopo long las wik. Dispela woksop i kam aninit long Tim Kumul program.

Man husat i go pas long toktok long ol referi em Joe Peregua. Nesenel Divelopmen Menesa bilong PNGRFL, Toksy Nema, i bin go pas long toktok long ol kosa.

ENB em i gat Kalabond Oval, na dispela oval em wanpela gutpela ples bilong pilai insait long kantri.

ENB em i gat planti ol hotel na ges haus, na tu, i gat gutpela rot sistem. Olgeta dispela gutpela samting insait long provins i gutpela long kamapim ol bikpela nesenel na intenesenel pilai.

Kalabond oval em as ples graun bilong ol PNG Hunters na dispela oval i bin lukim ol pilai bilong Intrast Supa Kap long taim ol Hunters i stat pilai long dispela kompetisen long stat bilong dispela yia.

ENB i gat gutpela junia ragbi lig program na edministrisen i save wok gut wantaim provinsal gavman na ol komyuniti.

Dispela ol gutpela samting bai yu no inap long painim long ol arapela provins insait long kantri.

Mista Boskey wantaim ol arapela opisa bilong PNGRFL i tokim ol manmeri bilong Is ENB long yusim gut ol dispela gutpela samting we ol i gat, bikos ol i ken kamap gutpela eksampol bilong ol arapela provins.

“Ol arapela provins insait

long kantri bai amamas tru sapos ol i gat ol gutpela fasiliti we ENB i gat,” Mista Boskey i tok.

Mista Nema i tok em i amamas long lukim sampela ol meri i kam long dispela woksop. Em i tok em bai gutpela long lukim planti meri i kamap ol kosa na ol referi bilong ragbi lig.

Wankain program we i kamap long ENB i kamap long Wes Nu Briten long dispela wik na i bin kamap long Nu Ailan long wik antap.

PNGRFL bai go het wantaim dispela program long olgeta provins insait long kantri.

Siaman bilong PNGRFL, Sandis Tsaka, i tok PNGRFL bai lukluk long olgeta rejista lig insait long kantri, na tu, ol bai welkamim ol nupela lig.

Mista Tsaka i tok ol sponasa bilong ol i mekim olgeta samting i kamap gut na em i amamas tru long ol.

Ol sponasa em PNG Power, Air Niugini, National Gaming Control Board, PNG LNG, Boroko Motors na Digicel.



Ol Hunters, Bears, na ol sapota long Kalabond oval. Kalabond oval em wanpela gutpela ples bilong pilai insait long kantri. **Poto PNG Hunters Fesbuk Pes**

Hanuabada apim nem bilong PNG...

Tim PNG winim tupela medal

STEVEN Kari na Dika Toua bilong ples Hanuabada long Nesenel Kapital Distrik (NCD) i putim Papua Niugini long wol mep taim tupela i winim gol medal long Komonwelt Gems long dispela wik.

Dispela em namba wan taim bilong Steven Kari, husat i gat 21 krismas, long winim gol medal long Komonwelt Gems. Steven Kari em i holim taitel bilong Junia Komonwelt Weiltifting long divisen bilong em, 94kg.

Gol medal bilong win bilong Steven Kari i putim Papua Niugini long namba 14 ples long medal tali.

Bipo long Steven i go pilai long dispela bikpela pilai, planti ol bikman bilong spot insait long kantri i putim bikpela tingting long Steven long winim wanpela medal.

Praim Minista bilong Papua Niugini, Peter O'Neill, husat i stap long Palau, i

amamas tru long Steven Kari na Dika Toua.

Em i tok amamas long famili bilong tupela, ol kosa na treina, na olgeta manmeri bilong Papua Niugini long sapot.

Papa mama bilong Steven Kari i bin amamas tru na kraik taim ol i toktok wantaim midia bilong Papua Niugini bihain long win bilong Steven Kari.

Mama bilong em Joanne Kari i tok em i amamas tru long em. Em i tok dispela gol medal em i winim em bilong Papua Niugini.

Sapos yu lukluk long histori bilong Papua Niugini long Komonwelt Gems, bai yu lukim olsem ol spot manmeri bilong ples Hanuabada tasol i bin winim medal long Komonwelt Gems. Em sapos yu rausim Ryan Pini long dispela grup.

Long 1990 Komonwelt Gems long Nu Silan, Gewa Tau bilong Hanuabada i bin

winim brons medal long loun bowls. Dispela meri em i namba wan meri bilong Papua Niugini long winim wanpela medal long Komonwelt Gems.

Long 2006 Komonwelt Gems long Melbourne, Dika Toua i bin winim silva medal. Dika i winim silva medal gen long Komonwelt Gems dispela yia, tasol bihain taim ol i painim aut olsem weiltifta bilong kantri Nigeria i bin kisim sampela no gut marasin, ol i rausim gol medal long em na givim Dika Toua. Dispela weiltifta bilong Nigeria em i gat 16 krismas tasol.

Steven Kari em namba foa etlit bilong Papua Niugini long winim medal long Komonwelt Gems, na Steven Kari em bilong Hanuabada.

Gavman i mas luksave long dispela kontribusen Hanuabada i mekim long Papua Niugini.

MEDAL STANDINGS

RANK	NATIONS	MEN			WOMEN			MIXED			TOTAL			TOTAL
		GOLD	SILVER	BRONZE	GOLD	SILVER	BRONZE	GOLD	SILVER	BRONZE	GOLD	SILVER	BRONZE	
1	AUS	18	18	15	16	13	19	0	0	2	34	31	36	101
2	ENG	16	15	16	14	17	10	3	1	1	23	33	27	83
3	CAN	5	0	5	11	3	13	0	2	0	16	5	18	39
4	SCO	7	8	5	6	4	7	0	1	1	13	11	13	37
5	NZL	6	6	8	5	3	3	0	0	0	11	9	11	31
6	IND	6	8	8	4	6	5	0	0	0	10	15	11	36
7	RSA	7	5	8	1	1	1	1	1	0	9	7	10	26
8	JAM	3	0	1	2	3	3	0	0	0	5	3	4	12
9	PHI	0	1	0	4	9	5	0	0	0	4	10	13	27
10	FIN	1	2	0	3	2	1	0	0	0	4	4	1	9

Tura bai raun long wan wan provins

Isaac Liri i raitim

GEMS Ogenaising Komiti (GOC) i tokaut olsem opisal maskot bilong 2015 Pasifik Gems, Tura Kokomo, bai raun long wan wan provins long kantri long mekim awenes bilong dispela bikipela pilai.

Tura i raun long planti hap insait long Nesenel Kapital Distrik (NCD) na Sentral provins pinis. Long las mun Tura i bin raun i go long Kokopo na long Tabubil.

Stat long dispela mun i go inap Novemba, Tura bai raun i go long ol arapela provins.

Eking Sif Eksekutyut Opisa (CEO) bilong GOC, Clint Flood, i tok raun bilong Tura i go long ol arapela

provins em i wanpela bikipela samting bikos em bai soim ol manmeri long ol long hap olsem 2015 Pasifik Gems em i wanpela bikipela samting, na sapot bilong ol provins bai mekim dispela bikipela pilai i kamap gut.

“Dispela bikipela pilai em i bilong olgeta manmeri bilong Papua Niugini olsem na mipela i laikim olgeta long pilim spirit bilong dispela bikipela pilai,” Mista Flood i tok.

Maketing Eksekutyut bilong GOC, Ken Siminji, bai go pas long raun bilong Tura i go long ol wan wan provins.

Mista Siminji i tok wok bilong Tura em i wanpela bikipela samting tru bikos em bai pulim tingting bilong ol pipel long redi long dispela bikipela pilai.

Mista Siminji i tok olgeta senta o taun insait long wan wan provins bai gat sans long lukim Tura na serim ekspirians bilong 2015 Pasifik Gems.

Raun bilong Tura i go long wan wan provins bai lukim ol opisa bilong GOC i toktok wantaim ol provinsal gavana na ol edministreta long kamapim wanpela hap insait long wan wan taun insait long ol provins long soim laiv piksa bilong Pasifik Gems.

Long dispela wik Tura wantaim ol memba bilong GOC i stap long Manus. Long pinis bilong dispela mun, ol bai go long Nu Ailan.

(L-R) Eking CEO bilong GOC, Clint Flood, Tura Kokomo, na Maketing Eksekutyut bilong GOC, Ken Siminji.



Lae Sekenderi winim skul kriket

LAE Sekenderi skul i bin winim anda 19 Gol Naget Skul Kriket kompetisen long las wik Sarere long UNITECH oval.

Lae Sekenderi i winim Bumaiyong Sekenderi Skul wantaim foapela rans tasol.

Dispela gren fainel i bin lukim Lae Sekenderi i mekim disisen long bet pastaim, ol insait long tenpela ova, ol i kisim 72 rans. Ol bowla bilong Bumaiyong i bin autim tupela beta tasol.

Kepten bilong Lae Sekenderi, Samuel Lui, i bin pilai gut tru na kisim 39 rans. Ol bowla bilong Bumaiyong i bin painim hat long autim em.

Ol beta bilong Bumaiyong i bin pilai gut tu, tasol ol i bin sot long foa rans bikos ol bowla bilong Lae Sekenderi i givim hat taim long ol.

Bumaiyong i mekim 66 rans insait long tenpela ova, na ol bowla bilong Lae Sekenderi i autim sikspela beta bilong Bumaiyong.

Rijonal Menesa bilong Cricket PNG long Morobe, Rodney Maha, i tok dispela em namba wan taim bilong Morobe long lukim wanpela kain skul kriket kompetisen olsem, na em i amamas tru.

Em i tok tenk yu long ol



Kepten bilong Lae Sekenderi, Samuel Lui, i kisim Man the Match awod bilong dispela gren fainel.

sapota, sumatin, kosa, referi, na tisa long givim taim na sapot bilong ol long dispela kompetisen.

Dispela skul kriket kompetisen i bin lukim ol sumatin i pilai wantaim strongpela bal. Mista Maha i tok tenk yu long ol tisa long givim tok orait long dispela.

Gem Developmen Menesa bilong Cricket PNG, Gayan

Loku, i bin tok tenk yu long Paradise Foods long stap olsem sponsa bilong dispela kompetisen.

Gren fainel bilong ol anda 19 meri divisen bai kamap long dispela Fraide Ogas 1 long UNITECH oval.

Gol Naget Skul Kriket Kompetisen bai kamap long Sentral, Westen Hailens, Milen Be na Madang long neks mun.

Raukele winim ITI T20 kriket

Isaac Liri i raitim

RAUKELE em sempion bilong ITI T20 kriket long 2014 bihain long ol i winim United long wanpela strongpela gren fainel pilai long las wik Sande long Colts, Pot Mosbi.

Ol ampaia i bin stopim gem long namba 13 ova taim ol United i bin bet. Gem

i bin stop bikos ol sapota bilong United i bin tok no gut long ol pilaia bilong Raukele. Dispela i bin lukim tupela pilaia bilong Raukele i pait wantaim ol sapota bilong United.

Ol opisal bilong tupela tim i bin kam insait na stopim dispela pait bipo long em i go bikipela olgeta.

Dispela pait i bin kamap

taim United i gat 122 rans wantaim 7-pela ova i stap bipo long pilai i pinis.


Raukele i bin bet pastaim long United na ol i kisim 193 rans. Ol bowla bilong United i bin autim 7-pela beta bilong ol.

Ol United i bin gat planti sans long win tasol ol bowla bilong Raukele i bin autim olgeta yet long namba 17 ova.



Beta bilong United i ran strong na putim bet long lain long soim olsem em i no aut taim wicket kipa bilong Raukele i redi long ketsim bal.

- Ol Weekend Spot Dro -



SP Pot Mosbi Ragbi Lig Dro: Raun 8

Hawks	Vs	Hobola
Kone Storm	Vs	Paga Panthers
Tarangau	Vs	West
Brothers	Vs	Souths
Butterflies	Vs	Royals
Dobo Warriors	Vs	Malari Eagles
Kone Tigers	Vs	Defence
Magani		Bye



SPOTS DRO RAUN 21

Fraide: Ogas 1, 2014

7.40pm

Brookvale Oval

S/Eagles V^s Broncos

7.40pm

ANZ Stadium

Bulldogs V^s Panthers

Sarare: Ogas 2, 2014

3.00pm

Remondis Stadium

Sharks V^s Eels

5.30pm

1300 Smiles Stadium

Cowboys V^s Titans

7.30pm

Allianz Stadium

Roosters V^s Dragons

Sande: Ogas 3, 2014

2.00pm

GIO Stadium

Raiders V^s Warriors

3.00pm

Barlow Park

Rabbitohs V^s Knights

Mande: Ogas 4, 2014


7.00pm

Campbelltown Stadium

W/Tigers V^s Storm

Ol poto na stori i kam long NRL websait

MANLY: MANLY i nau sindaun namba wan long NRL lata. Win bilong ol las wik egensim ol Warriors long las wiken i soim olsem ol i putim ai gen long pilai long gren fainel.



PENRITH: SANS bilong hapbek bilong Penrith Panthers Peter Wallace long pilai long ol fainel bai no inap kamap nau bihain long em i kisim bagarap long skru bilong em long las wik taim ol i lus long ol Sharks.

ROOSTERS: MICHEAL Jennings bilong ol Roosters bai kam bek gen insait long skwat bihain long em i bin stap aut bikos long bagarap em i bin kisim long taim bilong Stet ov Orijin. Roosters em ol sempion bilong NRL long las yia na ol bai nidim olgeta gutpela pilaia bilong ol long pilai long ol fainel. Sonny Bill Williams na Daniel Tupou bai no inap pilai long dispela wiken bikos tupela i no orait yet.

Raun 20 Poin Lata

Pos	Tim	W	B	L	D	Pts
1.	Sea Eagles	13	2	5		30
2.	Rabbitohs	11	2	7		26
3.	Panthers	11	2	7		26
4.	Bulldogs	11	2	7		26
5.	Roosters	10	2	8		24
6.	Storm	10	2	8		24
7.	Cowboys	9	2	9		22
8.	Broncos	9	2	9		22
9.	Warriors	9	2	8		22
10.	Dragons	9	2	8		22
11.	West Tigers	9	2	9		22
12.	Eels	9	2	9		22
13.	Titans	8	2	11		20
14.	Knights	6	2	12		16
15.	Raiders	5	2	13		14
16.	Sharks	5	2	13		14

Hunters redi long raun 22

KOSA bilong ol PNG Hunters, Michael Marum, i tokim ol pilaia bilong em long redi bipo long ol i pilai egensim North Devils.

Dispela pilai bai kamap long Kalabond oval long

Kokopo long dispela wiken. Kosa Marum i tokim ol pilaia bilong em long lustingting long las wik na daunim het na redi long pilai bilong dispela wiken.

Kosa Marum i tok i gat

sampela eria we ol i mas luk-luk long en, tasol em i no bin tokim midia long dispela.

Kosa Marum bai amamas sapos ol pilaia bilong em i ken kamapim wanpela bikpela win gen olsem las wik.

Lain ap bilong ol Hunters long dispela wiken em i wankain tasol olsem las wiken. Wanpela liklik tenis tasol bai lukim Lawrence Tu'u i kam insait long skwat.

Lain ap bilong ol Hunters long dispela wiken em 1. Israel Eliab 2. Garry Lo 3. Thompson Teteh 4. Jason Tali 5. Adex Wera 6. Dion Aiye 7. Roger Laka 8. Timothy Lomai 9. Wartovo Pura 10. Esau Siune 11. Sebast-

ian Pandia 12. David Loko 13. Adam Korave 14. Noel Zemming 15. Lawrence Tu'u 16. George Benson 17. Brandy Peter 18. Albert Patak 19. Stanton Albert.



SP HUNTERS KOSA: MICHAEL MARUM

QRL Intrust Super Cup draw

Round 22 (2-3 August)		
Home	Vs	Away
Burleigh		Bye
Norths		PNG
Souths		East
Pride		Tweed
Ipswich		Mackay
Redcliffe		Wynnum
CQ Capras		Sunshine Coast

Pos	Tim	W	B	L	D	Pts
1.	Northern Pride	16	2	3	0	36
2.	TH Seagulls	13	2	5	1	31
3.	East Tigers	12	2	6	1	29
4.	WM Seagulls	13	1	7	0	28
5.	Ipswich Jets	13	1	7	0	28
6.	Hunters	11	1	8	1	25
7.	Magpies	9	1	9	0	22
8.	Mackay Cutters	9	2	10	0	22
9.	Burleigh Bears	9	1	10	1	21
10.	Devils	8	1	12	0	18
11.	Dolphins	6	2	12	1	17
12.	CQ Capras	3	2	15	1	11
13.	Scoast Falcons	1	2	18	0	6

OI spot eksen poto long wiken...



Yuni tigers pilaia wantaim bal i train brukim banis bilong Koboni long AFL pilai long Mosbi.

OI Poto Nicky Bernard.



Pilaia bilong Yuni i train long stopim bal taim ol pilaia bilong Mungkas i putim was long em long pilai bilong ol meri long PMSA soka resis.



Blue Kumuls pilaia wantaim bal i abrusim pilai bilong Rapatona long Supa lig soka resis long Pot Mosbi.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait

Lae Sekenderi
winim skul
kriket tropi - P25

Spot dro
raun 21
- P26



Oi spot poto
- P27

Hanuabada apim nem bilong PNG...

Stori long pes 24



Featured Products

- * Treated Mosquito Nets Prevents Malaria
- * Visitect Tests for Malaria
- * Arterakine Tablets Treat Malaria
(artemether & piperaquine phosphate)

Good Products, Better Prices, ikam long.

Johnstons Pharmacies Ltd

Phone 325 3185 Fax 325 0190 Email sales@johnstons.com.pg

